

Methodus medendarum febrium / [Joseph Quarin].

Contributors

Quarin, Joseph, Freiherr von, 1733-1814.

Publication/Creation

Papiaae : Apud Balthassarem Comini, 1791.

Persistent URL

<https://wellcomecollection.org/works/ehaj2k3s>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

5

IOSEPHI QUARIN;

SACRAE CAES. REG. APOST. MAIEST. CONSIL.
ET ARCHIATRI, IN NOSOCOM. FRATR.
MISERIC. PHYSICI PRIMARII ET
VARIARUM ACAD. MEMBRI.

METHODUS MEDENDARUM FEBRIUM



PAPIAE.

Apud Balthassarem Comini.
Praefid. rei litter. permittentibus.
M D C C X C I.

Digitized by the Internet Archive
in 2020 with funding from
Wellcome Library

<https://archive.org/details/b31957821>

I N D E X

C A P I T U M .

C A P U T I L.

<i>D e Febris in genere.</i>	Pag. 1
------------------------------	--------

C A P U T I I L.

<i>D e Synocho non putrida.</i>	6
---------------------------------	---

C A P U T I I I L.

<i>D e Febre ardente.</i>	16
---------------------------	----

C A P U T I V.

<i>D e Febre putrida.</i>	30
---------------------------	----

C A P U T V.

<i>D e Febre maligna.</i>	54
---------------------------	----

C A P U T VI.

<i>D e Miliaribus.</i>	60
------------------------	----

C A P U T VII.

<i>D e Petechiis.</i>	67
-----------------------	----

C A P U T VIII.

<i>D e Variolis.</i>	70
----------------------	----

C A P U T IX.

<i>D e Morbillis:</i>	80
-----------------------	----

C A P U T X.

<i>D e Erysipelite.</i>	85 C A.
-------------------------	------------

C A P U T X I.

De Scarletina.

90

C A P U T X I I.

De Febribus intermittentibus.

93

FORMULAE.

115

C A P U T I I I.

C A P U T I V.

C A P U T I V I.

C A P U T I V I I.

C A P U T I V I I I.

C A P U T I V I V.

C A P U T I V I V I.

C A P U T I V I V I I.

C A P U T I V I V I V.

C A P U T I V I V I V I.

CA;

C A P U T I.

De Febribus in Genere.

Celerior sanguinis motus cum laesione functionis febris audit.

Constat quidem, saepius in aegris maligna febre laborantibus pulsum ita sanorum similem observari, ut non raro vel etiam doctissimi Medici decipiantur (a). Sic Cel. Tralles monet, quod interdum posito pessimae indolis contagio adeo plenarie, adeo subito vires motrices extinguantur, ut ne quidem febri sensibili et manifestae excitandae sufficient, aegerque moriatur citius, quam motus circulatorius in vere febrilem assurgat.

Cum vero nemo signum pathognomicum febris dederit, et Clar. viri, ut Sauvages, Lieutaud, etc. characterem febrium in viribus pulsus aucti collacent, cum Illustr. van Swieten iudico, nihil absurdum implicare febris definitionem, quae a pulsus velocitate cum laesa functione desumitur. Uberius circa haec differit Clar. Platnerus filius (b).

Quae cordis contractionem augent, ut functio inde laedatur, febrim producunt.

Talia sunt innumera: aër nimis calidus, frigidus, alimenta et quantitate et qualitate peccantia, pathemata, etc.

Nonnunquam ut in constitutionibus epidemicis, ignotum febrim faciens aëri inhaeret, quod Hippocrates sub nomine τὸ Θεῖον comprehendit.

A

Abit

(a) Prosper Alpinus Lib. IV. cap. V. Pag. 169. de praesagienda vita et morte aegrotantium.

(b) Briefe eines Atzes über den menschlichen Körper, Thl. N.

Abit febris in sanitatem, in morbum aliū et in mortem.

Laetus in sanitatem exitus est, si illud irritans, febrim producens ita subigatur, vel demulceatur, ut cum humoribus sanis per vasa moveatur, vel denique, dum solvit, evacuetur, aut via insensibili, nempe per transpirationem, aut per evacuationes sensibiles, alvum, urinam, sudorem, haemorrhagiam, etc. quae criticae dicuntur.

In aliū morbum transit, si febris non adeo valida sit, ut partes vitales, aut admodum obstruantur, aut destruantur, materies tamen morbi non satis evacuatur; quare ad alias partes transfertur, et obstrukciones, inflammations, suppurationes, abscessus, hydrops, cachexias generat.

Morte terminatur febris, si validissimo eius motu, aut acrimonia humorum inducta vasa encephali, vel pulmonum, hepatis, etc. valde obstruantur, aut destruantur.

Febre omnia moventur, propelluntur, subtilissima exprimuntur, crassa inspissantur, cruda coquuntur, cocta evacuantur; quare febris non solum ut morbus est consideranda, verum etiam, prout Sydeghamus notavit, ut naturae instrumentum, quo impura a peris separat.

Hinc nonnunquam mitiganda, nonnunquam augenda, aut sibi relinquenda, ut in sequentibus patebit.

Noscitur, ut monui, sanguinis auctus motus ex pulsu, qui in viris potissimum tardior est, sed maior ac in feminis.

Gravidæ celeriorem pulsum, et primis mensibus variabilem habent.

Cribrior quoque pulsus in hominibus minoris staturali, et infantibus notatur; his simul mollior, senibus durior est.

In phlegmaticis omni minuto secundo pulsus ferit. In cholericis 70, et plures ictus minuti spatio numerantur.

Ad vesperas semper frequentior pulsus, et post pastum 10, aut 12 vicibus intra minutum arteria creibrius ferit, ac ante refectionem.

Prognosis est diversa: quo gravior causa irritans, eo gravior morbus.

Symptomatum vehementia, aetas, temperamentum, vires aegri, constitutio epidemica diversam faciunt prognosim. Sic phthisici, gravidae accedente febre plus periclitantur.

Indicationes vitales in omnibus febribus primae sunt, et omni febris tempore considerandae; si vires langueant, erigendae: si excedant, minuendae sunt; denique obstrictum est resolvendum, acre irritans demulcendum, crudum coquendum, coctum evanquandum, Symptomata mitiganda.

Ridenda, et damnanda versipellis illa medicina, quae mox capiti, mox pectori, aut alvo medens non modo nihil medetur, sed plurimum nocet.

Neque monente Gaubio singulis, sed urgentibus Symptomatibus medelam opponere oportet, effecta enim morbi hoc, huiusve causa succisis sponte cessant, quae nonnunquam adeo diversa sunt, et opposita, ut contraria omnino indicent.

De febribus agam frequentius occurrentibus, licet plurimae aliae apud Auctores, ut Cel. Sauvages febrium divisiones legantur.

Sed idem Cl. Vir (a) monet, quod in actuali Medicinae statu parvi referat ad proxim, non solum species, sed etiam diversa genera febrium ad invicem accurate distinguere.

(a) Nosolog. methodia. Tom. II, Part. I, pag. 273.

Freindius afferit, quod multi maximi ingenii viri, non iuste attendentes, symptomata pro ipsis morbis curare tentent, adeoquc plures fingant, quam natura morbos, et monente Tissot (*a*) enormis ille febrium catalogus medicinae progressibus obstitit quidem, nullatenus vero favente Coelo numerum morborum auxit.

Febres sunt epidemicae, seu populo communes; endemicae, regioni propriae; sporadicae, hunc vel illum invadentes; topicae, fixam aliquam partem occupantes.

Sunt febres acutae, quae cito terminantur, et lentae, quae tarde admodum decurrunt; febres continuae, quae nullam apyrexiam habent, et febres intermittentes, ubi tempus est inter paroxysmos, quo aegri a febre liberi sunt.

Continuae aliquae, quae continentur, nullam remissionem regularem habent, ut Ephemera, Synochus non putris, febris putrida; febres remittentes, licet nunquam cessent, certo tamen tempore exacerbantur, ut febris ardens.

Sunt demum febres malignae; de harum natura, et indole plurimum dissentient Medici.

Mihi febris maligna audit, quae invadit cum subita virium prostratione, cuius symptomata non consonant perniciei morbi, quasi clancularies vitae struerent insidias, nec respondent signis externis, sic ut calor longe mitior adsit, siccis vix ulla, et pulsus debilis, inaequalis, saepe quasi evanescens sub ditione tangentis Medici observetur (*b*). Pulchre eas describit Clar. Schroederus (*c*), quod reperiantur continuae

(*a*) De febre biliosa Lausaniensi pag. 14.

(*b*) Lientaud, Sauvages, Swieten.

(*c*) Opuscul. medic. Tom. I. pag. 175.

DE FEBRIBUS IN GENERE.

5

nuae cum incertis horroribus, pervigilio, sopore, tremoribus, urita pallida, subsultu tendinum, motibus convulsivis, floccorum lectione, etc. sammo plerumque cum periculo, etiam si causae perturbati systematis nervosi evidenter nullas detegas, febresque interdum nec ad putridas, nec ad biliofas, nec ad inflammatorias referre queas.

Conspiciuntur et febres exanthematibus stipatae, in quibus vel pustulae ultra superficem cutis prominentes, aut papulae eandem exasperantes, aut maculae alieno eam ipsam colore defoedantes nascentur.

Intermittentes, seu perfectam apyrexiam habentes, dividuntur in quotidianam, tertianam, quartanam, quintanam, quam semel mihi videre licuit. Sunt quoque tertianae, ac quartanae duplicatae et triplicatae.

Denique sunt haemitritaeæ, sunt semitertianæ, quo nomine Celsus illas febres tertianas seu simplices, seu duplicates vocat, quae productis admodum paroxysmis continuas remittentes referunt. Galenus vero haemitritaeam appellat febrim, ex quotidiana protracta, et tertiana intermittente factam. Denique febris continua cum tertiana sociata quibusdam ad haemitritaeas refertur, quam vero alii rectius tritaeam, seu tritaeophiam nominant.

C A P U T II.

De Synoche non putrida.

Ephemera in Nosocomio vix occurrit, cum spatio 24 horarum terminetur, unde nomen obtinuit.

Causa levis est, ut major ventriculi repletio, transpiratio impedita. Morbus hic diaeta, quiete, potu tenui, largiori curatur.

Ephemera per plures dies protracta Synochus non putris audit.

Causae sunt ac ephemerae, sed graviores, ut potus spirituosi, consuetae evacuationes intermissae et haemorrhagiae suppressae, etc.

Ad debellandam Synochum non putridam efficaciora requiruntur auxilia. Si pulsus plenior, durior, maior faciei oculorumque rubor, vehementior calor, et pectoris oppressio notetur, maxime si morbus ab haemorrhagiis consuetis suppressis originem ducat, sanguis mittendus, donec pulsus fiat mollior, calorique minuatur.

Sanguinis detrahendi copiam aut numerum, venae sectionum determinant aetas, temperamentum, vires, consuetudo.

Iuvenes, plethorici, et feminae communiter largiorem ferunt phlebotomiam.

Ubi alia copiosa evacuatio, ut diarrhaea febri iuncta est, minori copia sanguis mittendus.

Parcior quoque venae sectio instituenda in hysterics, hypochondriacis, male nutritis, in infantibus et aetate admodum proiectis; sed et in his non tam annos numerare, quam vires aegrotantis aestimare debet Medicus.

Macilentis potissimum plus sanguinis detrahendum, cum his sanguis, plenioribus vero magis caro abundet.

Morbi vernales, hinc et hae febres multo facilius venae sectionem admittunt, quam autumnales, dum priores plus de inflammatorio, ultimae de putrido participant.

Notante Huxhamo amplior convenit phlebotomia sicco caelo, quam humido.

Cavendum tamen ab ea venae sectione in morbis acutis, quae febrim nimis cito iugulat, cum haec requiratur, ut impura a puris fecernantur, et e corpore excernantur.

Tiffot exempla 20 et plurium venae sectionum intra duos dies institutarum refert; monet autem, quod licet natura quandoque restiterit ictui huic lethali, ignorantiam tamen Chirurgorum, et Medicorum probaverit.

Ubi magnam copiam sanguinis detrahere oportet, aut parva incisio facienda est, aut apertura venae digito comprimi potest, ne nimio impetu cruentus effluat, hoc modo longe largiorem sanguinis missionem ferunt aegri.

Si amarities oris, nausea, vomendi conatus, ructus ova putrida redolentes, oppressio ad scrofulum cordis notentur, maxime ubi morbus ex nimia ventriculi repletione, quod ex relatione aegri noscitur, originem duxit, acida, aquosa, nitrata exhibenda ad materiem acrem corrigendam, his mox non proficientibus, vomitorium necessarium. Haud alio utique modo expurganda est, notante Huxhamo, colluvies stomachi biliosa multorum saepe morborum origo et fomes, et Illustr. van Swieten docet, quod si nausea a quovis assumpto, quantumvis grato ageatur, nihil supersit, quam ut vomitorio dato sursum expellatur.

Neque tardadnum esse in vomitorio exhibendo vult Valcarenghi (*a*), dum ait: confert maxime, ut cito et affatim noxia e ventricuio eliminetur materiae, quae cum paulatim exit, maiorem diuturnioremque molestiam aegris adferre solet.

Scrupulus Ipecacuanhae cum grano tartari emeticci optime satisfacit. Multi a paucis Ipecacuanhae granis eundem effectum ac a maxima dosi expectant, sed id a cortice praecipue sperandum, cuius granis vj. maiorem virtutem inesse, ac xxx. aliis Parisini notant: hinc Zimmermanus (*b*) monet, quod parva Ipecacuanhae dosis non semper sufficiat.

Tartarus emeticus additur ad viscidum bilioso forte iunctum attenuandum, eliciendumque, cum, ut supra laudatus Zimmerman observat, sola Ipecacuanha in pituita repleto, hinc minus sensibili, ac difficilius irritabili stomacho sufficientem effectum non praestet. Cel. Murray (*c*) granum unum, vel alterum tartari emeticci scrupulo Ipecacuanhae stimuli causa feliciter iunxit, si faburra tenacior vexabat.

Pessimus mos est, sola aqua calida emesim excitare, ingens huius requiritur quantitas, hinc saepe ventriculus grave pondus excutere nequit, inde eius debilitas, et pessima mala oriuntur.

Post quemlibet vomitum aqua tepida haurienda, facilius sic vomunt aegri, et facilius materia ad vomitum disponitur.

Ubi venae sectio indicatur, vomitorio praemittenda.

In herniosis, gibbosis, gravidis, haemoptoicis.
phthi-

(*a*) De praecipuis febribus specimen practicum pag. 93.

(*b*) Von der Ruhr unter dem Volke etc. 81

(*c*) Apparatus Medicaminum Tom. I. pag. 528.

DE SYNOCHO NON PUTRIDA. 9

phthisicis, admodum cacochymicis, inflammatione, obstructione, suppuratione cuiusdam visceris laborantibus vomitorii loco purgantia antiphlogistica ex tamarindis, cassia, cremore tartari propinanda; (Nro. 1. 2. 3.) ab omnibus fortioribus purgantibus abstinentem; quia illa, quae copiosas evacuationes faciunt, perspirationem impediunt, quod a levioribus non timendum, quae corpus vix mutant observante Sanctorio.

Aqua laxativa Dispensatorii Viennensis ad unicas quinque, vel sex egregium est purgans antiphlogisticum, sed non nimis diu asservata esse debet, cum acefcat.

In gravidis tamen necessitas est leve vomitorium exhibendi, si os valde amarum, ingens anxietas ad praecordia, perpetua nausea, vomiturations obseruentur.

Dum in Synocho non putrida alvus pauca, magnus dolor capitis, abdominis et lumborum aegrum vexat, clyisma convenit, (Nro. 4.) quod nec nimis calidum aut frigidum applicandum, et cavendum, ne, dum sudanti admodum aegro iniicitur, hic nimium refrigerium patiatur.

Si vomitorii necessitas, et aeger diurna antea laboravit alvi obstructione, enema prius dandum, sic emollito abdomine corpus simul ad alvi excretionem disponitur, et minus periculum est, ut humores tanta vi ad superiora ferantur.

Diu iejunantibus saepe appetitus perit, nausea et febris oritur a bile acriore facta, quae in iejuno hominis constanter in ventriculum fluit (4). In his a purgantibus abstinentem est, sed diluentia bils acri-

[4] Morgagnius Advers. IIL pag. 66.

acrimoniam corrigentia, et corpus leniter repletia conveniunt, ut tremor hordei cum succo citri, acetosa iuri carnium incocta, panatela, fructus horaei; si vero nausea pertinax sit, serum lactis tamarindinatum exhibere convenit.

Evacuatis primis viis remedia conveniunt, sanguinem attenuantia, et absque augmento velocitatis solventia, simulque putredini resistentia, cum humores aut spissitudine, aut acrimonia peccent, hinc diluentia aquoia, acida, nitrata conducunt, unde plurimae formulas ex decocto hordei, aceto, succo citri, oxymelle, syrupis ex fructibus horaeis paratis, cum sale polychresto, arcano duplicato, nitro locum habent (Nro. §. 6.).

Hordeum aliquid glutinosi lentoris aquae addit, ne nimis cito per urinam, aut sudores dilabatur; oxymel et succi ex fructibus horaeis, et syrapi nimirum sanguinis lentorem dividunt, saponacea sua vi oleum aquae miscibile reddunt, et dum spontanea degeneratione in acidum abeunt, putredini resistunt, simique tollunt.

Nitrum, quod densitatem phlogisticam corrigit, calorem minuit, et viribus corporis nostri sine augmento velocitatis facile subigitur, prioribus remediis iungendum est.

Ubi lauta vita praegressa, appetitus minor, alvus segnior est, salia media ad dr. iv. vi. de die sumpta pulcherrimos effectus praestant, quod a solis diluentibus et acidis vix exspectandum; solvunt enim, faciuntque, ut aegri bis, aut ter de die cum euphoria alvum deponant, sic glutinosum bilioso iunctum attenuatur, et cum haerente adhuc fere semper saburra in primis viis evaceatur, simul humorum copia minitur. Homines enim laute viventes, corpus non exercentes, plura alimenta ingerunt, hinc necesse est,

DE SYNOCHO NON PUTRIDA. 11

est, ut plus faburrae in primis viis, plusque sanguinis et humorum nascatur.

Sal mirabile Glauberi tartaro vitriolato, sali polychresto, arcano duplicato praeponitur, cum facilius in aqua solvatur et ob minorem amaritatem aegris minus displiceat.

Multis praecipue Italis consuetum est, fordes in primis viis haerentes rhabarbarinis expurgare, sed cum Clar. Geoffroy observavi, calorem pharmaco hoc sumpto augeri: Septalius mediolanensis Medicus in febribus aestuosis ob eandem rationem rhei usum improbavit.

Pro potu inservire potest decoctum hordei cum oxymelle, et paucō nitro (Nro. 6.), vel potus ille, qui Italī *limonata* vocatur et ex succo citri aqua diluto, saccharo ad gratiam edulcorato conficitur; cavendum, ne ut pro sanis parari solet, concilianda suavitatis gratia saccharum ad cortices citri affrictum addatur, continent enim cortex citri magnam quantitatem olei essentialis, quod saccharo iunctum oleo sacchari forma ingestum motum humorum auget et bilem incendit.

Emulsa ex seminibus melonum, cucumerum, amygdalis profunt (Nro. 7.); in his enim olei virtus, qua inviscat et obtundit omnem acrimoniam, manet et futurae ranciditatis metus abest.

Potus pauca copia, sed saepius dandus, sic melius sanguini miscetur; neque ita facile ex corpore expellitur, caviturque, ne a nimis distento ventriculo anxetas, nausea, vomitus oriatur.

Synochus non putris ex transpiratione suppressa orta, quod communiter accidit, dum maiorem calorem subitum frigus excipit, et quod ex relatione aegri patet, interne theata diluentia, leniter diaphoretica, solventia, ut mixturam (Nro. 8. 9.), decoctum

coctum graminis, infusum fiorum sambuci cum nitro, melle et oximelle largiter hauriendum poscit, pediluvia tepida, et alvo obstructa clysmata necessaria sunt.

Pulsus durus, plenus, magnus calor, faciei rubor, etc. venae sectionem subito indicat, et refrigerantia (Nro. 4. 5. 6.) superius dicta in usum vocanda sunt.

Nimius cubiculi calor, stragulorum pondus, medicamenta stimulantia evitanda, ne sanguis in nimium motum urgeatur, et levis synochus non putrida in gravem morbum inflammatorium mutetur.

Diaeta in synocho non putrida sit tenuis ex panatella, cremore hordei, et quia Austriaci adeo iuribus carniam assueti sunt, iis concedi debent, cum a multo tempore consueta, etiamsi deteriora fuerint, insuetis minus turbare soleant. Succus citri addendus, ut proclivitas in putredinem corrigatur.

A iusculis pingue supernatans sollicite auferendum, ne debilem ventriculum offendant cito rancefscens hoc oleum.

Fructus horaei, cerasa, prunellae, pruna, pomaborsigiana alvum movent et ob gratum acorem fitim, caloremque minuunt: dum cocta sunt, minus flatus generant.

Cubiculum sit moderate calidum, hinc aestate aperiendum, transitus tamen aëris per rimam angustiam, aut per fenestras vel portas oppositas ad lectum aegri vitandus. In thermometro Bianchiano seu Reaumuriano temperies aëris pro aegrotis (*chaleur des chambres des malades*) male figitur ad gradum 17^{num} , qui in Farenhaitiano 70^{mo} correspondet. Optimus gradus caloris est, qui in thermometro Farenhaitiano inter 60^{num} et 63^{tiuum} habetur.

Mōnendi aegri, ne stragulis plumis repletissimis (quae in Austria consueta sunt) corpus tegatur.

Terminatur haec febris tertia, quarta, septima die. Rarius hanc excurrit. Nonnunquam ubi a nimia ventriculi repletione malum ortum, faburra per emeticum excussa sine alia evacuatione notabiliore febris cessat.

Inde videtur necessitas vomitorium hic Viennae non ratione climatis, sed vivendi generis, ubi plurimae febres nimiae repletioni stomachi maxime per carnes originem debent. Hinc Baglivius monuit, quod aliter in morbis curandis tractandi sint Itali sub adusto climate et sobrie viventes, aliter Galli, Hispani, Germani, aliquique sua quique utentes aëris temperie et suo quique victus genere.

Sollicite semper inquirere in causam morbi debet Medicus, et teste Ill. van Swieten (*a*), non melior in medicina canon est, quam ille, quod in curandis morbis semper ad causam primam, unde omnia reliqua fluxerunt, sit respiciendum, ex hoc fundamento sola certa et valida auxilia deduci possunt.

Crises sunt variae per urinam, alvum, sudorem diarrhaeam: aphthae quandoque diebus criticis procedunt, et a van Swieten (*b*) inter imperfectas crises numerantur; mihi eas cum febre nunquam videre contigit, nisi elapso anno, ubi in gravissimis febribus potius summam humorum ad putredinem dispositionem, quam crisim notabant.

Diarrhaeam praecedunt nonnunquam borborygmi, tormina, murmura et commotiones ventris, hypochondria elevata, dolor lumborum. Autumno crebrior est crisis per alvum.

Ante haemorrhagiam narium notatur rubedo
ocu-

(*a*) Tom. I. pag. 53.

(*b*) Tom. III. pag. 203.

oculorum, temporum gravitas, visus hebetudo, acutus occipitis dolor, lacrymae involuntariae, narium pruritus, quandoque pulsus dicrotus, ubi in diastole arteria bis ferit digitum tangentis, antequam systole sequatur.

Sanguineis laute pastis, vel ubi morbus a consuetis haemorrhagiis suppressis, abuso spirituorum ortus, frequentior est narium haemorrhagia.

In subiectis carnem mollem et humidam habentibus, et ubi febris ex impedita transpiratione, sudor quandoque morbum tollit, tunc urina est parcior, cutis mollis, corpus aequali vapore calet, pulsus mollis, undofus.

Criticam per urinam evacuationem praecedunt gravitas hypochondriorum, lumborum, circa pudenda ardoris quidam sensus, aucta urinae quantitas. Tempestate frigidore, et ubi morbus ex transpiratione suppressa natus, frequentior haec crisis.

Criticas has esse evacuationes docet levamen, sic testante Hippocrate: Si talia purgentur, qualia purgare oportet, confert et facile ferunt.

Accidunt autem crises in morbis acutis diebus potissimum quaternariis, ut 4^{to}, 7^{mo}, 14^{to}, etc.

In nostris regionibus non videntur ita occurrere crises, ut veteres observarunt, ob coeli nostri natum, vitam intemperantem, exhibita pharmaca, et crebriores institutas venae sectiones.

Prout febris minuitur, ita successive cibi augeri possunt.

Dum febris integre abest et carnes tenerae concedendae.

Affuetis etiam plus nutrimenti dandum. Sic Ill. van Swieten historiam strenui potatoris habet, qui venae sectione, victu tenuissimo et dilutissimo potu ad extrema fere reductus yini rhenani poculo, et iure car-

carnium refocillatis viribus brevi a periculofo morbo
evasit.

Senes facillime ieiunium ferunt; secundo ae-
tate consistentes; minime adolescentes, omnium mi-
nime autem ex his, qui inter hos sunt alacriores.

Reconvalescentes saepius, sed parcus come-
dant, facile digerenda, nec variae speciei alimenta.

Coena sit parca tum quia reconvalescentes ad
vesperas ut plurimum peius valent, tum quia som-
nus inde turbatur.

Crebriores sed parvae refectiones conveniunt.

Potus quantitas successive minuenda, ne aut
ventriculus nimis debilitetur, aut tumere incipient
aegri.

Post febres continuas alyus saepius tardior est,
ita ut per duas, aut tres dies eam non excernant;
si nullum inde incommodum, nil movendum; si
vero dolor capitis, anxietas, tensio abdominis se-
quatur, clyisma applicandum.

Lectus brevi deferendus est, quia et sanus ei
affixus inde debilitatur.

C A P U T III.

De Febre Ardente.

Febris ardens est continua remittens cum ardore digitum fere tangentis urente, sibi inexplebili, siccitate corporis, dolore capitis, respiratione difficultiori, urina pauciore et rubra, pulsu duriore, ac pleniore.

Viri, iuvenes, fibra stricta et rigida gaudentes, aromaticis spirituosis abutentes, in aëre calido et sicco viventes, corpus nimium exercentes, vel et si, quibus consuetae haemorrhagiae suppressae sunt, ut plurimum hoc morbo corripiuntur.

Difserit ardens ab haemorrhitaea symptomatum intensitate, et quod frigus non habeat tempore exacerbationis, sed aestum maiorem.

Morbus est periculosus; ubi lingua, fauces humectantur, alvus libera, urina minus colorata, aequalis calor per totum corpus ad extrema usque diffusus deprehenditur, spes optima est valetudinis recuperandae, cum vasa pervia et humores meabiles significet; si autem urina tenuis et alba, summus calor circa vitalia cum extremorum frigore; si partis non suppuret, neque alia superveniat evacuatio; si sanguinis sputum, aut urinae cruentae mictus, deliria ferocissima, respiratio admodum difficultis, convulsiones accedant, aut aegri floccos carpant, summa morbi lethalitas.

Cura a venae sectione largiore incipienda, donec pulsus fiat mollior, calorque minuatur. Si venae sectione facta iterum exorbitet febrilis impetus, denup sanguis educendus.

Nonnunquam pulsus nec adeo magnus, nec durus

rus deprehenditur, rubor tamen faciei, anhelosio, respiratio, vitae genus praegressum, haemorrhagiae suppressae, etc. suadent vires non deficere, sed corpus ab humoribus obrutum esse, hinc vena tundenda; ut vero Medicus securus sit, pulsui alterius brachii digitus applicandus est, dum e vena aegroti sanguis mittitur. Si pulsus sit parvus, tremulus, intermittens, desistendum; si vero insargat, sanguinis missione pergendum, cum hac in acutorum principio neglecta in subsequentibus febris stadiis nullo modo compensari possit testante Huxhamo.

Haemorrhoidibus tumentibus hirudines applicandae sunt.

Si saburra in ventriculo haereat, emetico ejicienda est.

In ardentiis fervore medicamenta conveniunt, quae (ratione habita temperamenti, virium, etc.) saepius de die alvum movent (Nro. 2. 5.).

Praeterea indicantur, diluentia et sanguinis phlogisticam densitatem sine augmento velocitatis attenuantia; hinc decoctum hordei, acetosae, acetum, succus cirri, nitrum, oxymel largiter ingredenda: (Nro. 4. 5. 6. 10.) cum in cadaveribus febre ardente defunctorum sanguis multus, crassus et ater in arteriis, paucissimus in venis reperiatur.

Pro potu sint emulsa tenuia cum pauco nitro, limonata, serum lactis, lac ebutyratum, acetum aqua dilutum.

Aestivo tempore succi recentium fructuum horaeorum aqua diluti exhiberi possunt (Nro. 11. 12.). Hi enim grati sunt, sitim, calorem minuant, saponacea sua vi aquam oleo miscibilem reddunt, et efficiunt, ne subito iterum de corpore diffletur. Nonnulli Medici timent et damnant usum succorum ex fructibus horaeis expressorum, sed hi ipsi sine

metu eosdem saccharo in formam syrapi redactos praescribunt.

Ubi alvus adstricta, decoctum hordei cum cremore tartari acidum redditum optime pro potu inservit.

Contra immanem capitis dolorem epithemata ex pane secalino cum aceto conducunt. Ubi facies rubet et venae inflatae sunt, cum successu hirudines pone aures applicantur.

Ad calorem minuendum, sanguinemque a superioribus derivandum sinapismi (Nro. 13.) plantis pedum apponendi, qui dum sicci, renovandi.

Laudantur in ardentibus, ut crura aquae tepidae immergantur, et pedibus cataplasma emollientia adhibeantur; talis autem medendi modus, etiam si rationi maxime congruus, rarissime tentatur, et Medicum, qui hujusmodi auxilia praecepferat, se ludibrio exposuisse intempestivo Clar. Wintringham (a) vidiisse contigit.

Eidem scopo inserviunt clysmata, quae simul ex intestinis feces in loco tam calido facile putrescentes eluunt, et dum oscula vasorum reabsorbentium intrant, sanguinem diluant et attenuant, hinc etiam si alvus libera, ubi magnus admodum calor deprehenditur, quotidie injici possunt, nisi vires nimium fractae sint.

Amarities oris, nausea, quae diluentibus et acidis brevi non corrigiter, vomitorium petit; saepissime enim in his febribus putridi quidpiam in primis viis haeret. Sic Illustr. van Swieten notat, ad finem aestatis vel in autumno raras esse febres inflammatoriam tantum naturam habentes, sed iam quid-

(a) Notationes et observations in Rich. Mead. Monita, et Praecepta medica, pag. 31.

quidquam de bilioso participantes; hinc vomitorio neglecto deliria, anxietates, convulsiones sequuntur, licet id, quod vomitu ejicitur, nec mole valde spectabile, nec pravis qualitatibus insigne sit.

Si deliria ferocia, clysmata omni trihorio aut quadrihorio injicienda, sinapismi acriores (Nro. 14.) applicandi, abstinendum a vesicatoriis, inde enim febris maior, calorque auctus spectatur; eam ob rationem Illustr. van Swieten (a) cantharidum usum minime tutum esse dicit, ubi valida febris et calor magnus urget.

Si usu remediorum antiphlogisticorum pрагressis depletionibus, et evacuationibus debitiss febris pergit, vires langueant, cortex peruvianus, maxime ubi manifestae et regulares exacerbationes, in usum vocandus, qui remissionis tempore exhibendus.

Vires corticis praepollentes in febribus continuis aequae ac in intermittentibus profligandis Merton (b) iam innotescebant.

Extracti forma magis arridet (Nro. 15.); in substantia datus non raro nauseam, anxietatem, sensum ponderis in ventriculo, amaritatem oris, maioremque calorem, alvi obstructionem generat, ubi ab extracto crebriores alvi deiectiones nigricantes, extracto similes cernuntur.

Sydenhamus iam nonnunquam tincturam corticis pulveri pрагeferebat, quia ab hoc constrictio nem metuebat.

Quandoque a Pharmacopaeis addito sale tartari extractum paratur, ut labori, tempori, et carbonibus parcant, quia citius partes corticis solubiles ope salis tartari in aqua solvuntur, sed remedium inde

(a) Tom. 3. pag. 47.

(b) Opera medica pag. 55.

nascitur ad debellandum hunc morbum, ubi tantus motus humorum, et calor, magis noxiun, quam proficuum.

Decoctum corticis peruviani (Nro. 16.) cum aceto, succo citri, sale polychresto (nisi diarrhaea adsit) syrupo ribium, aut rubi idaei edulcoratum, pulcherrime prodest. Cel. Vogel. efficacius id vult, ac extractum. Certe observata medica nos docent gangraenam proserpsisse cortice peruviano et in extracto et in substantia propinato, quae sistebatur decocto eiusdem.

Cum multi turbidum abhorreant corticis peruviani decoctum, Baumé infusum frigidum oculo gratum paravit. Infudit unciam dimidiām corticis in lagena sedecim aquae unciis: infusum hoc per aliquot dies reliquit, id saepius de die agitavit, tandem aquam hoc modo laete rubentem, ac ex fulvo coloratam per chartam emporeticam filtravit, ac ita porrexit, aut etiam pro extracto sicco sensim sine ebullitione evaporavit.

Haec methodus pro parando extracto, ut Baumé voluit, exiguae virtutis videtur. Rogavi expertissimum Professorem Iac. de Well, ut periculum faceret. Infudit quantitatem a Baumé determinatam cum eadem praescripta copia aquae, permisit infusum per 4. dies; aqua erat levissime colorata saporis leviter amaricantis, hac decantata, novam aquam affudit, idque tertia vice repetiit; tandem cōticem residuum cum aqua nova decoxit, et obtinuit decoctum turbulentum saporis subadstringentis, simulque amarissimi, cum sapore infusi plane non comparandi.

Praetendit Baumé duabus infusionibus omne solubile ex cortice ita extraxisse, ut cortex tali modo extractus, ac dein in recenti aqua decoctus

ei

ei parum, aut nihil tribuerit. Clar. Wellius contrarium observavit. Erat enim huius infusum debile; decoctum vero ita frigide extracti corticis forte, praestans et sapidum valde: apparet itaque, quod aqua frigida infusus cortex nil minus, quam omnibus suis partibus solubilibus spolietur.

Multo efficacior est infusio calida; infudi enim unciam unam corticis peruviani selecti et pulverisati unciis sexdecim, et in loco moderate calido per triginta horas reliqui: decantata infusio bene quidem, sed non profunde colorata erat, attamen corticis sapore et odore optime impregnata, ut aqua omnem substantiam efficaciorem inde extraxisse videretur, nam restans cortex per duas dein horas in aqua decoctus, ei vix quidquam praeter colorem rubrum tribuit.

Admodum nauseosis extracti, aut decocti loco sal corticis peruviani dictus exhiberi potest, quae pars magis resinosa est, primam in solutione formans cuticulam, dum leni calore humidum illud evaporatur.

Hinc maiori puritate ab extracto differre videtur, et drachma una magis efficax, ac binae aut tres extracti habentur. Anno 1759. hoc remedio aliis non proficientibus discipulum olim meum egregium Nosocomii Pazmaniani Physicum Henricum Collin hoc morbo decubentem sanavi.

Corticis peruviani dosim determinant vires aegri, magnitudo morbi, constitutio epidemica. Uncia semis extracti sufficiebat, sed et saepe ad unciam j. nichtemeri spatio ascendendum erat.

Nec credendum, cum cortex adeo praestans remedium in hydrope, cachexia, fluore albo, passione hysterica, debilitate systematis nervosi sit, eum sanguinem densare; decoctum corticis peruviani sanguini

mixtum eum rubicondiorem et fluidiorem facit testante Schwenkio, et multorum cortice utentium sanguis facile secedebat, nec inflammatorius erat.

Quamdiu vero pulsus satis durus est, etiam si venae sectiones sint institutae, primae viae purgatae et vires admodum prostratae, cortex non prodest, imo morbum auget.

Tentavi iam anno 1753, antequam corticis usum in similibus febribus per Clar. Pringle edoctus fuerim, cum remissionem regularem viderim, venae sectione facta et purgatis primis viis, morbum subito cortex iugulare, sed febres longiores, crises tardiores, imperfectas, et crebriores recidivas secutas doluis.

Supra laudatus Pringle (*a*) nec effectum sperrat a cortice in gangraena, ubi vasa nimium plena, et dum sanguis crusta inflammatoria tectus est.

In ardentibus tamen, in quas intermittentes transiere, mox ab initio remissionis tempore cortex, aliis antiphlogisticis iunctus, summo cum effectu praescribitur.

Communiter in hisce febribus delirium manordes iunctum est, nonnunquam tamen asaphodes notatur; pulsus tunc est debilis, celer, inaequalis, adfuit subsultus tendinum, tremores, oculi caliginosi, convulsiones. In hoc pessimo statu moschum (Nro. 17.) omni trihorio, aut quadrihorio (continuato simul corticis et diluentium usu, nisi aegri bibere recusent) summo cum effectu exhibui, sequebatur ut plurimum sudor moschum redolens, levans.

In hysterics et hypochondriacis, qui moschi odorem non ferunt, levis camphorae dosis: infusum serpentariae, (Nro. 18. 19.) aut spiritus cornu cervi cum essentia castorei (Nro. 20.) substitui potest.

Con-

(*a*) Observations on the Diseases of the Army. pag. 343.

Contra vigilias erectus corporis situs, regimen frigidius, alvus liberior, et linteum aceto et aqua rofarum madidum capiti impositum temporibus admotum pulchrum effectum facit.

Abstinendum ab opio, quod nonnulli suadent, ut impetus naturae ferocior inde compescatur. Vigiliae enim perseverantes crebrius leve inflammatio- nis initium in encephalo notant, quod per opium facile augetur, cum ab eodem sumpto humores magis ad caput ferantur. Opii actio similis est ac vini, quod certe nemo in arte peritus commendabit, ubi inflammationis metus, et nemo eodem ferociorem naturae impetum compescet. In febre ardente ab opii parcissima dosi exhibita perturbationes capitis ac leve delitium vedit Fridericus Hoffmannus. Clar. Pringle docet opiate manifeste nocere, si vigiliae a febre pendeant. Testatur quoquo Clar. Gorter, quod motus acceleratus in febribus ardentibus non solum non compescatur opio, sed temulentia et furor inducatur.

Crisis est varia per haemorrhagiam narium, alvum, sudorem, parotides et quandoque haemorrhoides.

Nunquam benigna resolutione morbus hic solvit; cum parvi tantum morbi solvantur, magni vero judicentur.

Haemorrhagia narium magnum nomen inter criticas evacuationes meretur in febre ardente. Praecedunt signa in capite de febre continua simplici dicta, oportet autem ut copiosus sanguis per nares effluat.

Si sanguis sit crassus et ater, guttatum erumpens, vas aqua calida repletum naribus supponendum, ut per vaporem hunc vasis laxatis cruori effluendo copia fiat:

Si nimia sit haemorrhagia, quod ex ingentis sanguinis profluentis copia, pallore, venis confidentibus,

pulsu vacillante et debili noscitur, acetum aqua mixtum naribus externe applicatum conducit.

Haemorrhagiam narium nimis profusam et die critico advenientem jam damnavit Hippocrates, hinc si tam valida sit, ut periculum in mora adesse videtur exhausto fere jam corpore, nunquam sefellit Illustr. van Swieten vitrioli albi meracissima solutio (Nro. 21.), si nempe turunda hac madida naribus immittetur, curando, ut quam profundissime ingrediatur nares. Hoc fit, si calamus linteo carpo obvolvatur solutione vitrioli imbuto, dein immittatur haec lege, ut primo perpendiculariter intrudatur ad pollicis dimidi plus minusve longitudinem, ac si quis per narium foramina versus fauces protrudere vellet, dein eleveretur prudenter calamus relicto linteo carpo. Nisi tali cum cautela hoc fiat, raro ad locum affectum vitrioli solutio pervenit. Relinquitur autem haec turunda ibi, donec post unum, alterumve diem sponte elabatur.

Parotides, vel et tumores glandularum inguinallium in hoc morbo apparent, quibus cataplasma applicanda suadentur; sed emplastra gummosa, ut diachylum cum gummatibus, de galbano crocatum dispensator. Viennens. his praferuntur, cum refrigeratis cataplasmatisbus parotides facile repelliri possint. Statim ac pus formatum judicatur, aperienda sunt frustra expectatur fluctuatio puris, ac tumores integre maturi satis duri sint. Si abscessus diutius clausi relinquuntur, in vehementi hoc morbo pus subito acre fit, sanguinem intrat, et nonnunquam periculum praesentaneum, dum ad partes nobiliores fertur, nonnunquam febrim lentam creat.

Abscessu aperto, si pus album non foetidum, specillum non tingens conspiciatur, si febris minuatur, bonum, si vero saniosum prodeat cum fractis admodum viribus, pulsu inaequali, intermittente, pessimum. Ubi

Ubi parotides subito disparent sine subsequente alia evacuatione, malum: sed et parotides suppurantes non certam salutem notant. Hippocrates jam binos aegros notat; qui suppuratis licet parotidibus, perierunt. Ballonius recte monet, parotides pernicio-
fas esse, quoties febris cessationem non adserunt: Imo fere semper lethales sunt, nisi paullatim tumor corripiat, neque coma aut spirandi difficultas invadat.

Sputa crassa, mobilia lubrica testante illustr. van Swieten cum reliquis evacuationibus in arden-
te quidem concutunt, raro tamen vel nunquam judicium his solis absolvitur.

Si tussis aegros corripit, praeter nominata supe-
rius remedia, pro ratione symptomatum et virium
vitae simul dari potest decoctum althaeae cum oxy-
melle (Nro. 22.); si sputa crassa sint, et tenacia,
unc. j. oxymell. scillae, aut altera addenda.

Ubi vero stertor accedit, sputa non prodeunt;
ita ut metus suffocationis sit, kermes minerale pro-
pinandum, quod ad granum omni bihorio aut tri-
horio dandum (Nro. 23.). A levi hac dosi vix
vomitus, aut diarrhoea oriatur. Si vero excitentur,
duo grana massae pillularum de styrace aut cyno-
glossi tali pulveri iungenda, donec vomitus aut
diarrhoea minuantur, dein iterum kermes minerale
solum exhibendum. Non multum ab opio metuen-
dum est, in illo enim statu, ubi sputa et tenacia
et crassa apparent, febris admodum mitigata est, nec
amplius ferocior ille naturae impetus spectatur.

Urina cum sedimento lateritio potius pro cri-
sis nuncio, quam critica evacuatione habenda; quo
enim sediminis citior et diuturnior depositio, eo
perfectior crisis.

Notat Boerhaavius, quod febris ardens critice
cum rigore solvatur, sed bene monet Illust. van

Swie-

Swieren, quod quamvis criticus talis rigor solutam et mobilem jam materiem denotet, in febre ardente tamen haec raro vel nunquam tales habeat dotes, ut sanis assimilata humoribus cum illis fluere possit per vasa absque ulla notabili functionum perturbatione, adeoque critica evacuatio fere semper talem rigorem sequi solet: itaque febris ardens solvitur quidem cum rigore, raro tamen vel nunquam hoc solo sanatur.

Cavendum, ubi similis rigor sequitur a calefientibus, hic enim potissimum, ut monui, evacuationis futurae nuncius est, cum materiem peccantem mobiliorem significet, inde attritus minor et minutus caloris sensus nascitur. Post similem criticum rigorem restituto libero humorum motu per vasa, brevi sequitur aequabilis per universum corpus calor, hinc facile distinguitur a pessimo rigore, quem extreorum frigus excipit, dum immeabilis redditus sanguis ad extrema usque corporis propelli nequit. Hinc Hippocrates docuit, quod si rigor incidat fractis iam viribus, omnino funestus sit et aegri moriantur.

Si diarrhoea cum levamine fiat, critica est et sibi relinquenda; si vero vires debilitentur, facies collabatur, pulsus inaequalis, aut admodum debilis reddatur, cohibenda est, a nitro, salibus, melle abstinentia; extracti corticis peruviani loco substantia eius danda, cum ab extracto, ut superius monui, potissimum alvus crebrior sequatur, mixtura ex bolo armena et gummi arabico (Nro. 24.) omni bihorio aut trihorio ad unc. j. exhibenda simul tamen pro diversitate superius notatorum symptomatum decoctum corticis peruviani, camphora, etc. propinanda. Vesicantia suris applicata levamen ferunt.

Laudatur contra nimiam diarrhoeam radix salep (Nro. 25.), sed tute huic substitui potest laete in Austria crescens orchis morio Linnaei, cuius radix in aqua

aqua una alterave ebullitione decocta, ab exteriō re cortice mundata, filo suspensa et in aëre exsiccata, dura, ac semipellucida instar gummi tragacanthi evadens, in aqua dein tota solubilis, eamque glutinosam reddens (Nro. 26. 27.).

Prodeit et in vehementiore diarrhoea infusum ex floribus rhoeados et sambuci paratum; oportet, ut flores sambuci sicci sumantur, cum recentes testante Vogel alvum moveant.

Nonnunquam in febre ardente pulsu forti et duro in mollem et parvum mutato diarrhoea debilitans fractis iam admodum viribus accedit et a quolibet potu assumpto augetur, tunc ad adstringentia confugiendum, et drachma semis aut serupuli duo succi inspissati catechu, aut pulveris corticis simarubae mixtuae cum cortice addenda, cum haec diarrhoea minus ab acrimonia, quam a relaxatione dependeat, quae facile oritur per potum perpetuo assumptum, per tot clysmata injecta, per ipsum maiorem afflum humorum iam in principio morbi a materia acri in primis viis haerente et intestina irritante generatum.

Urgente admodum necessitate opium per vices exhibendum.

R. Opii pur. gr. $\frac{1}{2}$.

Sacchar. albi drach. ij.

Aq. fl. rhaead. unc. $\frac{1}{2}$.

M.

Sumat omni bihorio cochlear, donec alvi fluxus minuatur, cavendum enim est, ne subito fistatur.

Si post medicamenta adstringentia aut paregorica diarrhoea suppressa anxietas, respiratio difficilis oriatur, abdomen infletur, enema emolliens (Nro. 28.) ex decocto althaeae, aut lacte initiendum, extractum corticis peruviani propinandum, donec alvus immunitis iterum symptomatis fecedat, alias enim gangraena subito et morbo et vitae finem imponit.

Ad curam plurimum facit moderatus aëris calor, hinc ut aegri non plus iusto incalescant, oportet, ut potius supra culcitram, quam lectum plumis refertum decumbant.

Celsus iam monuit, quod febre ardente laborans amplio conclavi tenendus sit, quo putum et multum aërem trahere possit, et Galenus docuit, quod in morbis, ubi nimius calor, cavendum, ne a turba ingredientium hominum domus calefiat.

Hinc aestate, ubi calidus et siccus aër, non solum portae et fenestrae aperienda, ita tamen, ut transitus aëris per has oppositas ad lectum aegri impediatur, sed et aqua frigida cum sale ammoniaco, nitro in pavimentum et ad parietes respergi potest, sic gratum et tutum refrigerium conciliatur. Rami florentis sambuci aut fraxini, salicis, betulae, populi, rosarum, oxyacanthae, viburni aquae immersi eandem absorbent et exspirant, aëremque sicciorum corrigunt.

Eodem scopo inserviunt linteae salis ammoniaci aut nitri muria madida in cubilibus suspensa.

Malus Viennae mos est, omni anni tempore et in omni fere morbo iuscula tepida, aut infusa theata affatim exhibere, inde enim et aestuante per febrim ardenter aegro calor magis augetur, et decubentes non refocillantur, sed sudoribus difflunt, hinc praeponenda frigidiuscula, acidula. Cavendum a gelido potu, licet enim gelidam quandoque profuisse in febribus noscamus, minime tamen optime monente Illustr. van Swieten ex rarioribus illis casibus concludi potest, illum semper febricitantibus exhibendum esse, non magis, quam si haleces salitos, lardum et similia quis commendare vellet in victu febricitantium, quia quandoque his attemptis febres curatae fuerunt, dum sum-

mo appetitu haec desiderarent aegri et invitatis etiam Medicis assumerent. Optime dicit Cleghorn (a), vituperandos esse eos Medicos, qui frigidum potum aegrotis negant, dum eum appetunt; demandanos vero esse eos, qui, ut Itali, et Siculi Medici, potum glacialem concedunt, nisi eo iam sani assueti sint aegri.

Pro pauperibus est serum lactis ebutyratum omni pinguedine butyracea orbum, acidulum. Si tamen nimia diarrhoea inde oriatur, quod saepius vidi, abstinendum.

Non raro post febres ardentes, maxime ubi sputa copiosa apparebant, corpus exhaustitur et respiratio ad motum difficilior cum sputis parulentis notatur, equitatio, aura ruralis, dococtum ex cor- tice peruviano et lichene Islandico (Nro. 29.) interposito lactis uisu cum moderato corporis exercitio pulchre profunt.

Post febres continuas aegri sudoribus quandoque diffluunt, efficax admodum est salviae (Nro. 30.) infusum aquosum, aut vinosum; si inde, ut quandoque notavi, calor maior, aut sis oriatur, cortex peruvianus, aut decoctum corticis peruviani cum spiritu vitrioli et guttis quibusdam liquoris anodini mineralis utiliter propinabitur.

Surditas post febres ardentes remanens aut sponte cedit, aut emplastro ex galbano cum camphora nuchae imposito tollitur.

Malo consilio convalescentibus ex ardentibus et reliquis febribus continua purgans exhibetur, si de nullo symptomate conquerantur.

CA-

(a) Observations on the diseases in Minorca pag. 190.

C A P U T IV.

De Febre Putrida.

Febris putridam nonnunquam per aliquot dies praecedit languor, somnus inquietus, appetitus prostratus, dolor capitis, lumborum, spiritus foetens, urina pessime olens, sequitur febris, quae remittit, iterum exacerbatur sine typo, pulsus ab initio celer, parvus, mutatur dein in fortiorum et si inflammatiorii quidquam iunctum est, in duriorem, lingua est alba, anima foetens, os amarum, crebrius nausea, vomendi conatus, aut ipse vomitus aegros vexat. Urina est pauca, cutis interdum sicca, alvus constipata, quandoque crebriores deiectiones, sudor copiosus, sed sine levamine notantur.

Nascitur febris putrida ab abuso carnium, pisium, maxime non recentium, contagio, constitutione epidemica, inundationibus, aquisque effusis putrescentibus, retento perspirabili; hoc enim putrescentis indolis est et ad intestina plerumque refluens; quare pluviosa et tepida tempestate febris putrida frequentius occurrit, licet frigida quandoque hyeme grassetur.

A solo victu malo putrida epidemia pessima oriri potest; dum in obsidione Bredana fama pressi incolae impuro victu uterentur, saevissima pestis grassabatur, interim regius exercitus, qui hanc urbem obsidebat, omnibus ad vitam necessariis instructus a dira hac lue immunis erat. Et observatis constat, quod tempore belli in legionibus, ubi milites accuratius nutriebantur et purius servabantur, multo rariores febres putridae occurrerent.

Pu-

Putridissimae febris quoque causa est atmosphaera stagnans frequentia hominum polluta, quae mox valde rancet; hinc in carceribus et nosocomiis, ubi plurimi homines congesti sunt, aër longiore mora pestiferus fieri potest; sic in penultimo bello, dum turba militum noviter lectorum cubiculis arctioribus includebatur, pessima febris putrida plurimos e medio tollens oriebatur.

Quandoque putridae praecaventur, si castra saepius mutari possint, si magni ignes in iis accendantur, si tentoria succensi sulphuris fumo crebrius purgentur. Bonum quoque foret acetum aqua dilutum praecipue aestuante Sirio militibus praebere; si vero aceti copia non sit, aqua, cui quidquam spiritus vitrioli instillatur, conduit.

Diversae indolis febres putridae occurunt; non nunquam putrido-inflammatorii quidquam iunctum est, quod ex pulsu dariore, facie magis rubra et venis plus inflatis nescitur, sanguineis, laute pastis, bibulis non raro id accedit, vel ubi in initio morbi ventriculum et vires languentes per vinum aut aromaticam erigere student aegri.

Non raro putrida materia solummodo in primis viis haeret, maxime in principio morbi, aut ubi hic a nimia repletione ventriculi per carnes vel pisces semiputridos ortum duxit; his pulsus non admodum debilis, vires non adeo fractae, color faciei minus luridus, os vero amarum, oppressio ad scrobiculum cordis, ructus foetentes sunt.

Sed et haerente adhuc fomite in primis viis putridum iam in massam sanguinis duci potest, tunc pulsus celer, inaequalis, debilis, cum oppressione ad scrobiculum cordis, fadore et urina foetidior deprehenduntur.

Putrida ex contagio, constitutione epidemica,
usu

psu aquarum putrescentium non raro primo sanguinem afficit, dein putridum exinde secernitur, et ad primas vias fertur. Sic Hoffmannus monet, quod febres ipsae bilem generent.

Noscitur hic morbus ex causis nunc dictis praegressis; pulsus in initio debilis et celer est, vires plurimum prostratae, sudor copiosus, alvus crebra, serosa, morbum non levans, petechiae brevi erumpunt sine levamine, lingua plumbei coloris, facies lurida, deliria, tremores subito se iungunt, oculi sunt turbidi, et licet aegri non appetant, nausea tamen et vomendi conatus minores observantur, ac ubi fordes in ventriculo collectae haerent.

Quandoque morbo putrido iam adulto status inflammatorius accedit, maxime ubi primae viae initio morbi evacuatae non fuerunt, hinc bilis putrida febre actior reddit a partes erodit et inflamat.

In hoc statu pulsus celer, parvus, subdurus tangitur, ac si tenui filum ferreum per arteriam ductum esset; lingua est summe arida, genae rubent, deliria, meteorismus, singultus et convulsiones accedunt, aegri aut potum respuunt, aut ab eodem anguntur, non raro medicamenta et potulenta vomitu reiiciunt, ut plurimum diarrhoea ichorosa aegros e medio tollit.

Prognosis in febre putrida est varia; quandoque, ubi fomes mali in primis viis haeret, emeticus dato cito terminatur morbus; sic Tissot (*a*) dicit: Emesis febrim saepe omnino iugulat.

Nonnunquam per sex septimanas durat morbus, maxime, si ab initio primae viae non satis purgatae fuerunt.

Tran-

Transiunt hae febres in intermittentes, obstrunctiones viscerum et icterum; saepe in ipsis febribus biliosis aegri, ut in ictero flavescunt, quod nec bonum nec malum signum. Pringle cadaver aperuit similis defuncti, et nihil calculosi, nihil obstructi in cystide, aut ductibus biliosis invenit.

Post evacuationes primarum viarum morbus per aliquot dies in eodem statu manet: si hypochondria mollia, aequalia, non dolentia, decubitus fano rum similis, respiratio facilis, mens conscientia, pulsus aequalis, salus sperari potest: si pulsus in celerem, parvum, inaequalem mutetur, abdomen infletur, deliria, subsultus tendinum, convulsiones, singultus (qui tamen nimiae ingurgitationi quandoque originem debet) accedant, si aegri floccos carpant, excrementa inscie deponant, si pustulae purpureae vel lividae corpus deturpent, hypochondria tensa et inflata sint, aeger fere moritur.

Status inflammatorius principio febris putridae iunctus, quem vita lauta praegressa, pulsus plenior et durior notat, venae sectionem postulat, minori tamen quantitate sanguis detrahendus, ac in febre ardente.

In putrida sine statu inflammatorio venae sectio non convenit, imo ab hac morbus aut lethalis evadit, aut in longum protrahitur et languor diuturnus, cachexia, etc. sequuntur. Vidi pessimo consilio institutas venae sectiones ob calorem externum et acerbum capitis dolorem in putrida decumbentibus, quorum pulsus parvus et debilis, lingua spurca erat; haec enim mala monente iam Hollerio purgantibus sunt tollenda. Per magna certe circumspectione opus est notante Huxham et Pringle, ne in dignoscendis phlebotomiae indicantibus decipiamur, cum orgasmus putridi et dissoluti sanguinis aliquando

plethora et inflammatoriam diathesim simulentur, ut exercitatores etiam viri subinde fallantur.

Indicationes in febribus putridis sunt, materiam peccantem corrigeret et evacuare. Ubi fomes morbi in primis viis latet, mixtura ex salibus mediis cum succo citri danda (Nro. 5.), quia materies haec saepe instar glutinis spissa est, ita ut subito eiici non possit.

Illustr. van Swieten notat post fervidissimam aestatem febres biliosas epidemicas cum molesta nausea et vomitu fuisse, in quibus statim vomitorium propinatum non levabat, ubi autem per unum alterumve diem diluentia et solventia data fuerant, sponte saepe vomitu excutiebatur corrupta bilis instar glutinis fere spissa, vel leni vomitorio secunda vice exhibito facile expellebatur.

Die una aut altera adhibitis frustra diluentibus et solventibus, vel ubi ingens nausea, aut vomitus spontanei, subito Ipecacuanha cum tartaro emetico propinanda.

Sola Ipecacuanha minus satisfacit, tum quia, ut iam in capite de febribus continuis monui, glutinosum bilioso iunctum eiicere non valet, tum quia alvum adstrictam potissimum relinquit, quae tamen in hoc morbo perpetuo aperta servanda.

Nonnunquam necessitas urget, repetendi vomitorium, maxime ubi digestiva exhibita non fuerunt. Impossibile fere est, diluentibus solis et acidis putridam hanc materiam corrigeret.

Vidi aegros febre putrida decumbentes immateriter sitiisse, potum tamen respuisse omnem, quia et a gratissimis acidiusculis nausea augebatur. Metus quoque est, ne sordes putridae, dum intestina transeunt, per vasa bibula absorbeantur, in massam humorum ferantur, et eam malignitate sua imbuant; hinc illustr.

Iustr. van Swieten docet, quod in continuis autumnalibus post fervidissimas aestates ab accensa bile natis in initio purgans, aut emeticum conveniat, quia alias haec materia mora et calore ipso acrior redditia dein vomitum, vel putridissimam diarrhaeam causat, funestam saepe, dum morbi progressu fractis viribus validas tales evacuationes aegri ferre nequeunt; addit, quod a vomitorio illico magnum percipient levamen, febris dein placide pergit, et sine molestis symptomatibus cursum suum absolvat.

Tota difficultas in eo consistit, ut bene distinguiatur, an causa inflammatoria adsit, nec ne; pulsus durities, dolor acutus in regione ventriculi ad assumpta quaelibet auctus, tempus anni, vita praegressa, et constitutio epidemica lucem dant.

Monet optime Cl. Unzer (*a*) inflammationem ventriculi rariorem esse ac creditur, et dolorem ad scrobiculum cordis, anxietas, etc. subito evanescere post vomitorium.

Cavendum, ne Medici a tussi stomachali in hoc morbo frequentius occurrente terrefacti, vomitorium negligant, timentes inflammationem in pectore haerere.

Noscitur haec tussis ex ore amaro, anxietate ad praecordia, nausea, lingua spurca, vita praegressa, constitutione epidemica; abest magna durities pulsus, nec inspirando dolorem in pectore animadverunt aegri; verum oppressionem in regione ventriculi et irritationem in eodem loco, quam tussis sequitur, sentiunt.

Mire certe corpus nostrum a bile circa praecordia haerente turbari potest: Galenus iam notavit convulsiones inde nasci subito cessantes bile per vomi-

(*a*) Der Arzt, eine medicinische Wochenschrift, Fünft. Band. S 621.

tum ejecta; refert saepius laudatus Illastr. van Swieten se ab optimo Boerhaavio edoctum fuisse, frequentem satis delirii in febribus causam esse sordes circa praecordia collectas, invenit id verissimum, dum unico vomitorio dato excussa hac suburra plures illico resipuerunt.

Per vomitum praeterea concutiuntur viscera abdominalia; hinc materies impacta solvit, evacuaticibus apta redditur, et obstructiones febribus autumnalibus communes impediuntur.

Ex dictis patebit, pessime errare illos Medicos, qui febrem putridam solis diluentibus et acidis debellare student, faburra in primis viis haerente.

In gravibus putridis observante Zimmermanno (*a*) evacuatio nunquam soli naturae est relinquenda et longe melius evacuat ars, quam natura.

Purgantia antiphlogistica non eiusdem sunt efficacie ac vomitorium; imo notante Thom. Glass (*b*), vitanda est alvi purgatio, ubi os amarum, inferiora algida, aliave accidentia humores corruptos in ventriculum concurrentes ostendunt; nam sursum per os his proximus exitus est. Sic Tissotus observavit unicam emesim saepissime praestitisse, quod non attigerant repetitae alvi dejections.

Si autem vomitorium ob rationes in capite de Synocho non putrida adductas exhibere non liceat, purgantia antiphlogistica locum habent, ut tamarindi, tremor tartari, sal mirabile Glauberi, etc.

Neque timendum est in putridis alvo liquidiore in principio stipatis purgantia per epicrasim exhibere; si enim solis diluentibus morbus impugnetur, brevi alvi excretiones minuuntur, abdomen increscit, deliria et cetera pessima mala succedunt.

(*a*) Von der Ruhr unter dem Volke. S. 26.

(*b*) Commentarii duodecim de Febris. Pag. 79.

Diarthoea larga, excrementa omnino aquosa in principio putridarum infasti sunt omnis, notant enim humorum colliquationem, hinc mox ad largam acidorum mineralium dosim et viribus admodum fractis, ad corticem peruvianum recurrentum est.

Nonnulli Medici finita operatione emetici paregoricum exhibent ad tumultus inde natos compescendos, sed nocet opium, ubi natura evacuatione eget, in hac febre etiam post vomitum alvus liberior requiritur, tum ut putridum in intestinis iam forsan haerens evacuetur, tum ut materies impacta per actionem emetici mota, soluta et ad intestina lata eliminetur.

Opio sumpto febris augetur, sudor excitatur nocivus in initio morbi, corpus, ad putredinem magis disponitur; ab opio enim assumpto mortui cunctissime putrescebant.

Neque paregorica in decursu morbi ad quietem aegris conciliandam convenient, damnavit eorum usum in febre biliosa Pringle. Tralles (*a*) in pessimae indolis epidemia simili febri putridae epidemicae nostras terras anno 1772 debellanti, quae post pluvias diutinas, fluviorum et piscinarum exundationes, aëremque inde squalidis effluviis inquinatum, anno naeque caritatem oriebatur, et in illa, quam e castris et praeliis reduces milites attulerant, omnia remedia opium habentia reliquit et vinum aqua dilutum cum spiritu vitrioli, infusum ruta et decocatum corticis peruviani felicissime exhibuit.

Purgatis primis viis medicamenta diluentia, putredini resistentia, alvum apertam servantia largiter exhibenda, hinc mixtura (Nro. 5.), omni bihorio aut trihorio propinanda.

C 3

Si

Si vero per crebriores dejectiones, vires magis magis que prosternerentur, pulsus debilior fieret, a salibus abstinentur, alvum enim ita moderari oportet, ut ex altera parte virium raina, ex altera maligni humoris intra corpus retentio impediatur.

Multi Medici in initio omnium febrium acutarum mixturam sic dictam Hoffmannianam praescribunt: sumunt communiter aquae uncias iv. vel v., aceti destillati unc. semis, lapidum cancerorum drach. j. vel drachnam unam semis, syrapi unc. semis. Portio haec aceti non sufficit ad saturandam, sive solvendam totam lapidis cancerorum quantitatem, ut inde fiat sal medius terreus; solvet ergo acetum inde partem reliquo intacto manente; hinc mixtura est ex lapidibus cancerorum partim aceto saturatis, partim crudis minime in hoc morbo conveniens; portio lapidum cancerorum aceto non saturata putredinem magis promoveret, ut Pringliana observata docent, parte lapidum cancerorum, quae aceto saturatur, diaphoresin et diuresin excitare credunt. Verum Galenus iam monuit, in principio morbi crisim non fieri. Forte adeo frequenter haec mixtura praescribitur, quod Medici aliquid agere velint, ne videantur nihil egisse, interim maximo cum aegrorum detimento id fit, dum eo tempore, quo hoc remedium propinatur, remedia efficacia negliguntur.

Ubi alvus adstricta, tensio abdominalis, etc. praeter mixturam salinam, vel decoctum tamarindorum elysmata (Nro. 31.) iniicienda.

Si status inflammatorius febri putridae iungatur, indoles morbi testante Clar. Schroeder (*a*) est periculosissima, cum inflamatio remedia saepius postulet a putredine contra indicata, ut venae sectionem,

tem-

temperantia, etc. et putredo medicamenta requirat, quae inflammatio non admittit, ut corticem peruvianum, cardiaca. Similibus pro potu limonata, acetum aqua dilutum, lac ebutyratum ab omni pinguedine orbatum convenit.

Serum lactis in febre putrida graviore non sat efficax videtur, notavit Tissot, quod eo assumpto aegris post aliquot horas ructus nidorosi moti fuerint. Hinc ubi magna dispositio ad putredinem, acida mineralia, aqua ad gratam aciditatem diluta, largissima copia exhibenda sunt, haec enim putredini potenter resistunt et atoniā, perpetuam fere putredinis comitem, semper noxiā corrigunt.

Dum icterus febri putridae accedebat, serum lactis cum spiritu vitrioli ad fortiorem aciditatem paratum egregie profuit.

Si debitīs evacuationibus praegressīs, diluentibus, acidis exhibitis, febris pergat, vires minuantur, ad corticem peruvianum confugiendum, cum putredini adeo adversetur. Pringle foetorem in carne iam putrida abegit et ei iterum firmitatem cortice conciliavit.

Neque exspectandum est, donec aeger per aliquot horas sine notabili febre sit, calor enim in putrida non ex attritu, ut in febribus inflammatoriis et intermittentibus, quod pulsus monstrat, sed potius a dispositione in putredinem pendere videtur. Observata certe nos docent, thermometrum in cadavere febre putrida ante medium horam defuncti 96. gradus caloris adhuc notasse.

Nonnunquam constitutio epidemica putridarum, ut anno 1772 observatur, in quibus evacuato fomite ex primis viis, subito cortex peruvianus pluribus aegris exhibendus erat, licet lingua adhuc spurca et urina admodum colorata notaretur; cortice enim

tardius exhibito morbus remedia omnia eludens aegros e medio tulit; necessitatem corticis docuit pulsus parvus et celer, vires maxime prostratae, remissiones aut nullae aut brevissimae.

Addidi in simili casu salia media cortici peruviano, ut alvum quotidie aliquoties exonerarent aegri. Cortice vires erigebantur, febris minuebatur, putredo corrigebatur, salibus putridum, in ventriculo et intestinis iam haerens, evacuabatur.

Variat corticis peruviani dosis ratione vehemtiae morbi, virium, constitutionis epidemicae, etc.

Nonnunquam unc. semis nicthereri spatio sufficit, nonnunquam ad unciam ascendendum est, saepe unciae duae aut tres ad morbum integre debellandum efficaces notantur, quandoque vj. xij. unciae necessariae erant ad aegros a febre integre liberandos.

Si inter corticis usum aegri angantur, febris augeatur, respiratio difficilior fiat, signum est, putridum adhoc in primis viis haerere, hinc hae prius purgandae et a cortice tamdiu abstinendum est.

Cavendum a cortice nimis mature exhibito; sic Illustr. van Swieten meminit febris continuae remittentis autumnalis epidemicae, cum anxietate, colore icteritio, flavedine in adnata tunica oculorum; si in hac, antequam obstaculum illud in hepate solutum fuisset, cortex propinabatur, post diuturnos languores putridissima dissenteria oborta e medio tulit plurimos.

Nisi alvus admodum libera dr. j. salis polychresti aut altera mixturae cum cortice addenda, neque metuendum, corticis vim inde frangi, ut in intermittentibus notatur, dum aegris copiosior est alvus; magis enim in febre putrida cortex ut putredinem,

dinem arcens, atoniam corrigens, quam ut febrim fugans remedium agit; salium similiūm cum cortice connubium (nisi alvus iam admodum libera) summe necessarium est, licet enim et initio morbi per remedia evacuantia et diluentia materies putris ex primis viis eliminata fuerit, potest tamen in ipso decursu morbi putridum ex humoribus secerni et ad intestina ferri.

Inter corticis usum largiter acida mineralia continuanda. Habui nonnullos, qui nicthereri spatio unc. semis, drach. vi., imo unciam aqua dilutam hauriebant.

Ridendi Medici, qui decem, quindecim guttas spiritus vitrioli librae uni aut alteri aquae admiscent, non memores moniti Celeberr. Hoffmanni, quod proportio esse debeat inter causae morbificae magnitudinem et inter virium medicatarum efficaciam.

Optime acida mineralia, ob diversam in diversis pharmacopaeis aciditatem, vel ad gratiam, vel fortiorē acorem praescribuntur (Nro. 32. 33.).

Ut aegri maiorem dosim acidorum mineralium sumere valeant, nonnulli Medici magnam quantitatem spiritus vitrioli cum gummi tragacanthi prescribunt. Sed an sana suadet ratio, ideo infringere, aut obtundere vires alicuius medicamenti, ut id dein in maiori quantitate propinari valeat? venena demulcentibus involuta vim deleteriam perdunt, hinc et acida inviscantibus obruta vim salutiferam amittere videntur.

Maior itaque effectus a minori portione spiritus vitrioli aqua diluti saccharo vel syrupo edulcorati sperandus erit; quam a maiori eius dosi mucilagine gummi tragacanthi involuti.

Ab acidis mineralibus in principio morbi exhibitis saepe anxietates et nausea augentur, nisi vomitorio antea sordes e ventriculo eliminentur.

Si vires admodum collabantur, pulsus debilis et mollis fiat, vinum rhenanum aut austriacum ad uncias duas, tres mixturae cum cortice addendum.

Aegris, qui sudoribus disfluunt, et quorum pulsus mollis et debilis est, profuit, si duae partes olei vitrioli et una pars spiritus vini multa aqua diluta propinentur.

Deliria accendentia, facies rubra, oculi feroce, sinapis plantis pedum applicandos, vesicatoriis longe anteponendos postulant.

Valcarenghi notat, quod a cantharidibus putredo augeatur, et Illustr. van Swieten docet, vesicantia non adeo tute adhiberi posse, ubi humores dissoluti, acres, in putredinem vergentes et magnus humorum motus adest.

In aegris soporosis cum pulsu debili, parvo, intermittente, inaequali, tremoribus, oculis caliginosis, deliriis obscuris, vesicantia felicius in usum vocantur; cum tunc malum magis in nervis et liquido nerveo, quam in massa sanguinis haerere videatur.

Dum vesicantia indicantur convenit plura et repetitis vicibus apponere, quam ea aut nimis diu relinquere, aut maiori cantharidum copia nimis acrida ieddere; sic dolores, stranguriae et pessimae exultationes evitantur.

In stranguria post vesicantia apposita emulsa largiter haurienda.

Pessimum signum est, dum humor e vesicatorio eductus, foetet. Anno 1758. in constitutione epidemica plurima loca, quibus vesicatoria applicabantur, gangraena afficiebantur, larga tunc corticis peruviani in substantia quantitas necessaria erat, externe fomenta ex antisepticis herbis cum cortice peruviano in usum vocabantur (Nro. 34.); nonnunquam china digestivo mixta summe profuit.

Po.

Potens remedium antisepticum est cortex peruvianus cum alumine externe applicatus.

Ubi in febre putrida vermes aut per os aut per alvum egerebantur, mixturae cum cortice peruviano drach. semis, aut scrup. ij. radicis valeriana cum successu addidi.

Si tremores, subsultus tendinum, convulsiones obseruentur, praeter acida corticem peruvianum, vinum austriacum, et remedia penetrantia et excitantia danda sunt.

Inter tot millia acute decubentium experientia didici, aegris, quorum pulsus parvus, debilis, sed aequalis et mollis erat, camphoram et serpentariam profuisse; iis vero, qui pulsus tremulum, inaequalem, intermittentem, sed mollem habebant, spiritum cornu cervi cum essentia castorei maioris opis fuisse.

Quamprimum vero pultus leviter durus erat, moschus solus levamen tulit; hic enim, quin stimulum augeat, vel permanentem faciat, nervis amicus est.

A mixtura ex spiritu cornu cervi et essentia castorei plurimis aegris sanitas restituebatur.

Optime monet Ill. van Swieten (*a*), quod maior cum fiducia nunc utamur salibus alcalinis, postquam per experimenta Cel. Pringle constitit, putredinem per hos sales non promoveri, uti antea credebatur.

Castoreum contra tremores laudat Forestus (*b*) et merito ad inordinatos spirituum motus compescendos commendatur.

Ubi vero usū mixturae huius (Nro. 20.) pulsus parum durior evadit, quod rarissime observavi, moschus substituendus est.

Non-

(*a*) Tom. IV. pag. 223.

(*b*) Lib. 10, Observatione 99.

Nonnulli aegri camphoram non ferunt. Ego ipse ante plures annos febre putrida laborans (a qua per Illustr. Facultatis Medicae Praesidem et Archiatrorum Comitem Lib. Bar. de Storck liberatus fui) a levi camphorae dosi sumpta semper convellebar.

Publicae gratitudinis testimonium erga virum hunc Celeberrimum hoc loco adducere liceat. An. 1772 febrem putridam adeo vehementem contraxi, ut universa fere civitas (quem immeritum licet favorem gratissimo ad cineres usque servabo animo) iam mortem meam doleret, per praefatum Virum cortice, vesicantibus, serpentaria, etc. ex orci faucibus eruptus fui.

Hoffmannus a scrupulo vel dimidia drachma camphorae nec maiorem aestum, nec pulsum adaucatum, sed potius manifestum refrigerium, praesertim circa praecordia observasse scribit; imo addit, quod uncia spiritus vini ingesta, vel unicus haustus vini generosi plus caloris corpori inferat, quam duae drachmae camphorae.

Multi Medici autoritate hac firmati duas, tres camphorae drachmas intra nichemerum nonnunquam sumendas volunt, et felices inde effectus recensent.

Ego nec Cel. Hoffmanni, nec aliorum Clarorum practicorum fidem et observata denegare cupio; fateri solum debeo, me nunquam ultra decem, quindecim, ad summum viginti grana nichemero prescripsisse.

Vidi enim in multis, quibus camphora maiori dosi exhibita fuit, pulsum celerissimum, faciem ruberrimam, oculos torvos, inflammatos, convulsiones et phrenitidem lethalem secutam fuisse.

Verosimilius itaque cum Cel. Prof. Cranz (a),
qui

(a) Materia medica et chirurgica. Tom. I. pag. 191.

qui camphorae vires admodum calefacentes et stimulantes censem, eam ad ij. vel iij. tantum grana exhibendam iudico, ubi materies morbi diffari potest; nocivam autem, ubi inflammatio partem adaurit. Eiusdem mentis est Clar. Vogel (*a*), dum ait: refrigerandi autem scopo nunquam quemquam vidi assumpsisse camphoram, nam si quis velit drachmam dimidiam spiritus vini camphorati per duo saltem minuta horae ore continere, idque eo colluere, certe non de calore tunc conqueretur, sed de ardore igneo et urente, ipsum halitum reddente igneum. Celeber. Tralles, qui ~~olim~~ virtutem refrigerantem camphorae credidit, contrarium in proprio corpore dein expertus fuit (*b*). Geoffroy (*c*) monet, quod a nimio camphorae usu gravitas capitis, vigiliae et dispositio ad inflammationes nascantur.

Neque obest Clar. Muzelii observatum, qui maniacis et melancholicis quotidie unciam dimidiam exhibuit absque ulla pulsus, aut morbi mutatione; constat enim, similes aegros saepissime nec a fortissimis draisticis, nec ab ingenti spirituoforum copia, nec a magna opii dosi mutari, nemo tamen inde draisticis vim purgantem, spirituosis inebriantem et calefacientem, et opio virtutem paregoricam negabit. Ii ipsi, qui ~~olim~~ camphoram ingenti illa dosi exhibebant, nunc eam aut vix, aut moderate praescribunt.

Quandoque a materia putrida acerrima, ex massa humorum secreta et ad primas vias delata, haec inflammantur, pulsus antea satis mollis (ut superius notavi) in parvum, durum mutatur, respiratio fit difficilior, genae magis rubent, deliria increscunt, et aeger post summas anxietates moritur.

In

(*a*) Historia materiae medicae, pag. 314.

(*b*) Histor. choler. pag. 75.

(*c*) Traité de la matière médicale. Tom IV. pag. 30.

In pessima hac febris putridae indole cortex peruvianus vix levaminis quidquam fert, imo symptoma ex usu eiusdem augeri videntur. Sola salus infuso lactis cum spirite vitrioli parato (Nro. 35.), atque prudenti moschi usu exspectanda.

Si morbus oriatur ex somite putrido, mox massam humorum delato, ut a contagio, vel ex effluviis putridis, febris nascitur periculosisima; subito maligna. Incipit cum maxima prostratione virium, sopore; pulsus est celer, parvus, brevi inaequalis, undosus, intermittens, oculi sunt turbidi, accedit tremor, convulsiones, etc.

In hac febris putridae specie venae sectio aegrum necaret.

Si putrefcens simul in ventriculo materia, mox vomitorium exhibendum, materies enim putrida cum fætiva et alimentis deglutita in ventriculum delata adeo subtilis esse videtur, ut moram diu non patiatur, sed subito massam humorum intret.

Neque tamen in omni putrida ex contagio orta, ut quidam suadent, emeticum est dandum; infectio enim et per inspirationem et inhalationem fieri valet, cum nichil hemeri spatio plus, quam libram inhalemus.

Pessimus quoque error foret, abs necessitate purgantia propinare, dum fractis adeo viribus facile inde diarrhoea colliquativa, convulsiones, etc. sequuntur.

Acida mineralia largissima dosi in usum vocanda, brevi quoque ad corticem peruvianum descendendum, vires vino austriaco, vel rhenano erigendae. Sopor, aut delirium materiem morbiferam a superioribus per vesicantia derivandam indicat.

Tremor, subsultus tendinum, convulsiones acedentes, medicamenta ex camphora, spiritu cornu cervi,

cervi, moscho (Nro. 17. 18. 19. 20.) pro diversitate pulsus indicant.

Solvitur febris putrida variis viis. Si non adeo gravis sit, nonnunquam vomitu terminatur, arte, vel quod rarissimum, natura producto.

Haemorrhagia sola morbum vix tollit, potest tamen cum euphoria fieri, si satis cito accidat et putrido inflammatorium iunctum sit.

Ubi malo proiecto supervenit et sanguis tenuis nec facile, ubi frigescit, coëuns vehementer erumpit, humores a putrido fomite solutissimos significat et lethalitatem morbi notat; in hoc statu acidorum mineralium, corticisque dosis augenda et a stimulantibus abstinentendum est. Spiritus nitri dulcis aut liquor anodinas mineralis exigua copia prioribus remediis iungi potest.

Externa quoque auxilia contra haemorrhagiam narium in capite de febre ardente dicta in usum vocanda.

Sudor criticus aequalis esse debet, qui enim circa caput, faciem et cervicem solum oritur, in gravibus mortem, in mitioribus morbi longitudinem notat.

In principio morbi vix quidquam boni a sudore exspectandum, nisi forte in constitutionibus epidemicis, ubi materies morbi adeo tenuis, ut cum primo sudore difflari possit.

Frequentius in initio putridarum sudor copiosus sordibus in primis viis haerentibus originem debet, et excussa per emeticum faburra, aut purgante dato evanescit.

Cavendum itaque, ne regimine calido aut medicamentis stimulantibus sudor exprimatur.

Sudore critico apparente corpus moderate tegendum est, acidiuscula diluentia perpetuo ingerenda;

da; arcenda aura frigida, aut aëris per rimas angustas intrans, aegrum alluens.

Sudores critici nimii, nisi calido regimine urgantur, rarissimi sunt; si tamen occurant, ut aeger exinde debilitaretur, abstresio corporis, aëris frigidiusculus sensim et cum prudentia admissus, latus corticis peruviani et acidorum mineralium usus facile hos compescet.

Diarrhoea in febre putrida frequenter critica est. Damnavit quidem Hippocrates alvi fluxus impense graveolentes, colliquativos, sed rarissime in febre putrida alvus cocta occurrit, et experientia constat, alvum summe putrem et graveolentem in vigore morbi criticam fuisse.

Noscitur critica diarrhoea ex levamine morbi; si enim talia purgantur, qualia oportet, confert et facile ferunt. Abstinendum tunc a salibus mediis, aliis vero remediis superius nominatis pro diversitate symptomatum strenue pergendum.

Si adeo crebrae alvi deiectiones, ut pulsus parvus, debilis, inaequalis fiat, vires admodum minuantur, morbus est periculofissimus, difficillimus sanatu, quia, quae diarrhoeam domant, febrim augent, et si deiectiones non impedianter, pereunt aegri.

Similis diarrhoea originem saepissime debet vomitorio ab initio morbi neglecto.

Remedia in hoc statu requiruntur, quae et putredini resistunt et nimiam partium laxitatem impediunt. Primo loco bolus armena in auxilium vocanda (Nro. 33.).

Pro potu infusum ex floribus sambuci et rhaeos spiritu sulphuris acidum redditum exhibendum est, vel et decoctum salep, aut orchidis cum spiritu vitrioli.

Si

Si pulsus sit mollis, extracti loco cortex peruvianus in substantia propinandus, qui putredinem corrigit et roborat, hinc utrique superius notatae indicationi satisfacit.

Soleo pulv̄erem chinchinae subtilissime pulverisatum exhibere, cum minus nauseosus et vix stomacho molestus sit. Sed circa pulverisationem corticis monente Bergio (*a*) observandum, quod primus, leviorque pulvis abiiciendus sit, quippe qui plerumque nonnisi epidermide corticis, lichenibusque annexis constat.

Urgente necessitate ad astringentia recurrentum, cortex simarubae, succus catechu ad scrup. ij. vel dr. j. mixturae addendus; hic enim et simul adstringit et putredini resistit.

His omnibus non proficientibus, laudanum liquidum, sed prudenti manu propinandum.

Si diarrhoea minuta abdomen infletur, anxietas, respiratio difficultis oriatur, ab adstringentibus abstinere, alvum clysmate emolliente (Nro. 28) eluere, cortice et acidis mineralibus strenue pergere oportet. Ventre inde non detumente, rheum praedictis pharmacis addendum est.

Pessimum signum est, dum cum alvo liberiore abdomen tumet et inflatur; significat enim summam fomitis putredinem et viscerum debilitatem. In similibus crebrius petechiae malo omne conspiciuntur, hinc Boërhaavius monuit, quod ubi pustulae purpureae vel lividae corpus deturpant, hypochondria tensa et inflata sunt, aeger fere moritur.

Sanavi nonnullos fomentis abdomini impositis ex mentha, rore marino, etc. vino incoctis; curandum,

D

dum,

(*a*) Materia medica pag. 196. Tom. I.

dum, ut linteae bene exprimantur, et ne nimis calida applicentur, vel frigefacta relinquantur. Clysmata ex decocto corticis et chamomillae (Nro. 36.) iniciabantur, interne mixtura ex cortice peruviano additis binis scropulis vel dr. i. liquoris anodini mineralis exhibebatur.

Aegris debilissimis vinum rubrum aqua dilutum concedebatur.

Rarissime critica per urinam evacuatio in febre putrida occurrit, saepissime tamen ut crisis nuncia appetet.

Nonnunquam mingendi difficultas accedit ab horizontali decubitu et laetus vidi anonymous Auctor in febre nosocomica mediolanensi, cum iam chirurgus cathetere instructus accederet, aegros in positione verticali collocatos statim ac abunde mingere potuisse (a). Nonnunquam in eadem epidemia involuntaria siebat urinae excreto, modica proportione potus cum abdomen tenso; manum regioni hypogastricae attente apponere fas erat; si tumor vesicae figuram referebat, si pressione nonnihil urinæ effuebat, catheteris experimentum instituere oportuit, magna siquidem urinae copia educta fuit, licet aegrotantes identidem, attamen involontarie lotium antea dimitterent (b).

Non raro parotides, abscessus varii in febre putrida nascuntur, quibus facile gangraena succedit, nisi cortice peruviano in et externe adhibito impediatur.

Post febrem putridam nonnunquam sudor debilitans manet; laudatur tunc merito ulterior corticis usus.

Ob.

(a) Pag. 41. de febre nosocomica mediolanensi.

(b) Pag. 5.

DE FEBRE PUTRIDA.

Observavit Cel. Werlhoff, quod cortex morborum acutorum reliquis extirpandis et restituendae transpirationi insensibili utiliter adhibetur, egregium naturae robur addat, et lentae tabificaeque aegritudinis metum et periculi reversionis recidere soleat.

Tumores pedum oedematosi fugata febre aegros interdum vexant: si nulla viscerum abdominalium obstructorum signa adsint, lentes frictiones pedum cum pannis laneis fumo succini, aut benzoës imbutis conveniunt, pedes altius reponendi sunt et fasciis spiritu menthae et aceto rutaë irroratis in dies (prout tumor minuitur) magis constringendi.

Interna remedia ex cortice peruviano et marte (Nro. 37. 38.) iuvant, cum symptoma hoc debilitati originem debeat.

Abstinendum ab omni purgante, quod pessime noceret.

Si vero obstructiones viscerum adessent praeter frictiones redeuntibus magis viribus infusa ex absynthio (Nro. 39.), centaurio minore, etc. vinosa aut aquosa locum habent.

Appetitus languens cortice peruviano, amari-cantibus et si alvus adstricta sit, salibus mediis erigendus; cavendum a spirituosis.

Aëris puritas et renovatio non satis commendanda in febre putrida, secus aeger putridas suas exhalationes inspiras, aër magis calefit, qui calefactus et exhalationibus repletus elasticitatem perdit, hinc somnus impeditur, aeger debilitatur, ad sudores ut plurimum nocivos disponitur. Experiencia docuit Clar. Pringle, putredinem multo rapido esse in clauso, quam aperto ære.

Acetum patulis vasis igni imponendum, sic in vapores resolutum putredinem aëris corrigit. Vasa,

quae excrementa aut urinam recipiunt, subito evacuanda sunt et bene eluenda.

Observata docuere, quod vapor aceti, pulveris pyrii nec profuerint ad mortalitatem febrium putridarum corrigendam, nisi cautum fuerit, ne multi aegri in eadem domo decumbant et aëris renovatio fiat. Hinc patet, quam difficilis putridarum cura in nosocomiis sit, quae potissimum locantur inter alia et fortassis altiora aedificia, unde nec novus sed iam particulis peregrinis inquinatus aër accedit, impurus vero diu remanet. Saepe etiam fieri solet, ut aeger in eodem, quo aliis pessimo putrido morbo extinctus est, locetur lecto, unde etsi linteamina nova et pura imponantur, non fieri potest, quin halitus perversi in stragulis occulti noceant.

Indusia et linteae spurca renovanda; timendum enim, ne per vasa absorbentia putridum illud in corpus iterum ingeratur. Cautela tamen opus est, dum exanthemata prodeunt, aut aeger admodum sudat.

Si perpetuis sudoribus aeger diffluat, linteas sicca leviter calefacta sub induvio madido corpori apponenda, et dein subito, ut aura frigidior caveatur, induvium ab homine fano portatum, calore lecti tepidum redditum, induendum.

De diaeta ea notanda, quae prioribus capitibus dicta fuerunt.

Multi ex penuria putridam contraxere, iis toto decursu morbi iura carnium tennia succo citri addito largissime ingerenda erant ad corpus nutriendum et vires conservandas; morbi enim, qui ab inanitione fiunt, repletione curandi sunt.

Si in putrida gelidum potum expeterent aegri omnem alium fastidientes, minime absolum videtur illum concedere, cum in putrida, ubi sanguis indif.

dissolutionem tendit, minus eius coagula metuenda sint: cavendum tamen, ne simul et semel ingentem copiam ingurgitent monente Illustr. van Swieten.

Ii, qui inserviunt putrida decubentibus, utantur acidis, aceto et sale bene conditis, nec ieuni aegros accedant, cum his vehementior sit inspiratio obseruante Hoffmanno et aér ad interiora plenius admittatur: idem notat, quod grassantibus populariter morbis ab aëris constitutione calida et humida tenuis diaeta et moderatus boni vini usus incolumes servet; vinum enim erigit, moerorem pellit et timorem, qui in epidemiis semper maior observatur. Nam animi affectus tristes non tantum nocent, quatenus ab illis absque alia causa praegressa febris excitatur, verum etiam corpus sic disponitur, ut ab aliis causis facilius affici possit (*a*).

C A P U T V.

De Febre Maligna.

Febris maligna noscitur ex subita et summa prostratione virium, pulsus quandoque est celerior, quandoque naturali tardior, sed semper debilis; accedunt frequenter animi deliquia, somnolentia, subsultus tendinum, tremores, urinae communiter pallidæ nonnunquam sedimentum deponunt, sœpe sine eo conspicuntur, non raro materia quaedam levis surfuri similis per totam urinam inæqualiter dispersa est. Lingua muco albicante obsidetur et aegri quandoque pituitam insipidam vomunt. Calor vix solet tribus vel quatuor gradibus naturalem excedere.

Causæ huius morbi sunt fructus crudi, fatui, panis ex frumento corrupto, aër nebulosus, frigidiusculus, contagium. Frequenter inter milites grasseatur maligna, dum sub dio cubare, vapores ex terra exhalantes et pluvias excipere coguntur, dum vestimenta madefacta siccis permutandi non est locus, et dum eos terror, metus et mortis formido percellit.

Triplex occurrit maligna: una ubi inflammatorii quidquam iunctum est; altera, in qua putredo malignitati accedit; et tertia, quae forte in seculo, forte in nervis haeret.

Prima species vix possibilis videtur, cum nō tante Huxhamo, inflammatoria ab oscillatione vasorum et sanguine densiore oriatur; lenta autem et nervosa effectus sit vasorum nimis laxorum et sanguinis inertis atque tenuis.

Re-

Reperiuntur tamen, subiungit supra laudatus Hoxham, vari morbi, praecipue illi contagio excitati, qui utrisque sunt communes: similis certe anno 1770. grassabatur.

Incipiebat morbus cum calore, tussicula, genis rubentibus, respiratione difficultiori, sopore, prostratione virium, pulsus non admodum plenus, sed celer et solito durior erat, urina fere naturalis. Plures in eadem domo fere semper hac febre sorripiebantur, inter pauperes praecipue grassabatur. Perpetuae aeris vicissitudines praecedebant et magna tam per pluvias, quam per nives pluribus mensibus humiditas.

Sanguis pauca quantitate detrahendus erat, convenienter enim potius repetitae, quam largiores phlebotomiae.

Cruor eductus levissima crusta obductus conspiciebatur, venae sectione neglecta pulsus in parvum, subdurum mutabatur, ac si filum aeneum per arteriam ductum esset, accedebant subsultus tendinum, convulsiones, deliria ferocia, respiratio summe anxia et aegri sierterosi moriebantur.

Praemissa venae sectione exhibui sequens decoctum:

R. Flor. Verbasc.

— Sambuc. aa unc. j.

Infand. per $\frac{1}{3}$ hor. partem in aqua font. fervid.

colat. lib. j. Adde

Succi citri dr. vij.

Syrup. 5. Rad. aper. unc. jj.

Sumat omni bihor. unc. ij.

Pro potu erat decoctum hordei cum oxymelle:

Quarta aut quinta ut plurimum die sputa pauca, sed excreta difficultia prodibant, hinc unc. j. oxymel. scillitici decocto addenda erat.

Nonnunquam secunda aut tertia iam die tremores

fes ingentes, subsultus tendinum cum pulsu celeri, undoso et gravi sopore accedebant; quare quatuor; nonnunquam quinque vesicantia applicanda erant.

Camphora moderata dosi cum successu propinabatur, maiori data sudorem, calorem, linguae siccitatem sine levamine augebat.

Raro sola camphora sufficiebat, sed mixtura (Nro. 20.) iungenda erat; hinc omni trihorio aut quadrihorio cochlear mixturae exhibebatur, donec pulsus aequalior, fortior, mens magis ferena et symptomata minuta notarentur.

Urina tunc erat magis colorata cum levi mucofo sedimento.

Iudicabatur morbus per aequabilem, copiosum sudorem, sed et simul largius erat urinae profluvium.

Ubi aegri calido regimine morbi initio vexabantur, ubi plures homines etiam si fani in eodem cubiculo degebant, vel ubi ingruente morbo iam quidquam putridi in ventriculo haerebat, febris putrida accedebat et petechiae sine levamine erumpabant; cortex peruvianus, acida mineralia, ut in capite de putrida dictum fuit, exhibenda erant.

Ceteram in maligna simplici acida et refrigerantia locum non habent; hinc monet Freindius (*a*), quod diversa sit insania, qua insaniunt nonnulli, quorum in acidu posita est omnis curatio, quique spem nullam nisi in aceto, aut pomorum agrestium succo collocant, quasi, quia nefas est aegrotum comburere, ideo protinus frigore enecare oporteat.

Nonnulli satis cito sanabantur, quidam longo tempore ad perfectam sanationem usque decumbeant, paucissimi in morbo hoc atrocissimo methodo relata tractati moriebantur.

Si

(*a*) Comment. de Febr. III.

Si putrida malignae iuncta est, nausea, anxietas ad praecordia, abdomen tensius notatur, urina magis colorata est, et sudores foetidissimi.

Remediis cardiacis et putredini resistentibus, ut in capite de febre putrida dictum, morbus debbellandus.

In tertia febris malignae specie, dum morbus a contagio ortus, miasma salivae mixtum in ventriculum delatum nonnunquam appetitum prostratum, nauseam, vomendi conatus caufat, subito emeticum convenit, ne diathesis inflammatoria in ventriculo oriatur; vel miasma massam humorum ingrediatur.

Nonnnquam vomitus sine signis aut inflammationis, aut latentis in ventriculo faburrae zegros vaxat, prodest tunc infusum menthae; si non sufficiat, empiastrum de labdano cum camphora regioni ventriculi applicandum; urgente admodum necessitate dr. j. electuarii diacordii omni trihorio aut quadrihorio exhibenda, donec vomitus minuatur.

Venae sectio in febre maligna nocet pessime, nec clysmatibus in hoc morbo locus est.

Plurimut profunt vesicantia, raro duo sufficiunt; ubi magnus sopor, utiliter nuchae apponuntur.

Diluentia aquosa sola non iuvant, sed talia requiruntur, quae stimulant et lentorem illum forte nervis inhaerentem corrigunt. Infusum menthae et florum sambuci syrupo de duabus edulcoratum faepius sumendum.

Ubi tremores, subsultus tendinum, convulsiones, etc. camphora, spiritus cornu cervi, moschus, serpentaria in auxilium vocanda.

Cortex peruvianus in febre maligna non multum

tum opis fert, si pulsus admodum celer, undosus, inaequalis; prodest tamen ad finem morbi spiritui Mindereri iunctus, ubi post usum remediorum pulsus in aequalem quidem, sed parvum et sano tardiorem mutatur.

Incerta est ad mortem et ad salutem dies.

Signa, quae sanitatem sperare faciunt, sunt: maius robur pulsus, urina magis tincta, caput liberius.

Quandoque hic morbus sine evacuatione notabiliore terminatur.

Parotides, miliaria, urina saepius hanc morbi speciem levant, saepissime vero sudor aequabilis.

Diarrhoea in febre maligna rarissime critica est, hinc et initio morbi, ubi nulla signa faburræ in ventriculo latitantis, sed maxima debilitas, compesci debet, et ad finem morbi iusto etiam tempore eveniens, si paulo largior sit, moderanda, optime monente Tralles et Pringle, cum vires ad mortem usque emungat; hinc laudano liquido, vel electuario diacordii prudenti manu dato compescenda est. Diarrhoea imminuta sudor levans ut plurimum sequitur.

Haemorrhagia malignarum periculosisima est, Wepferus contra eam ichtyocollam commendavit.

Prodest cortex peruvianus, liquor anodinus mineralis cum spiritu vitrioli.

Externe ea convenient, quae in capite de febre ardente recensita fuerunt.

Aëris puritas non satis commendanda, hinc acetum carentibus prunis imponendum et tempore admodum humido spiritus vini accendi potest.

Cavendum ne corpus nimiis stragulis obruatur: cavendum quoque, ne aegri lecto eximantur et crecili sedere cogantur, quia vires cordis, optime

DE FEBRÆ MALIGNA.

39

notante Pringle, nimis debiles sunt, quam ut sanguinem aliter, ac in situ horizontali ad cerebrum ferant.

Victus ex hordeo, panatella propinandus et praecipue, si aeger appetat, moderatos usus vini rhenani, aut austriaci concedi potest.

Tremor fugata iam febre nonnunquam remanet a debilitate et inanitione; hinc nutrientia, roborantia, ut cortex peruvianus, vina oleosa, frictions, exercitia corporis suadenda.

Sudor quoque absente iam febre aegrum vexat; tollitur infuso salviae vinoso, spirituoso, cottice et si vires admittant, equitatione et exercitio corporis.

CA-

C A P U T VI.

De Miliaribus.

Miliaria alia rubra sunt, alba alia; haec plerumque graviorem comitantur morbum, sed et rubra periculosa esse possunt, testante Allionio.

Saepe alba et rubra mixta conspicuntur, nonnunquam confluent, hae potissimum peioris indolis.

Miliaria sunt sporadica, epidemica et quandoque in paludosis locis endemica.

Frequenter in febribus catarrhalibus spectantur, crebrius puerperas infestant, modo, gravioribus, modo levioribus stipantur symptomatibus, saepe exsiccantur, iterumque in eodem morbo apparent.

Praecedunt miliaria febris acuta, anxietas, dolor spinae dorsi, oppressio pectoris, tussicula, dolores rheumatici, oculi lacrymantes, urinae quandoque sine sedimento, quandoque eneorema deponunt.

Incerta est eruptionis dies, criticis, 4^a, 7^a, 9^a, 11^a, 14^a, 17^a, etc., sed et aliis indiscriminatim diebus prodeunt.

In nosocomiis dies critici determinari vix possunt: optime noscunt Polyatri, qui quotidie pauperibus medicinam faciunt, quam difficile sit, ex vulgo morbi praegressi historiam expiscari.

Collum, iugulum, pectus primum occupant, rarissime faciem. Supra cutim in pastulas rubras vel albas fermen milii et lentes subinde aquosas referentes elevantur, exsiccantur, furfuracee desquamantur, iterum redeunt, nonnunquam rumpuntur et humorem fundunt serosum.

Prognosis varia est: robusti, sanguinei rarius cor-

corripiuntur miliaribus, sed et magis inde periclitantur, quam feminae molles et viri laxi.

Quo copiosiora miliaria, eo potissimum periculosiora; morbum nonnunquam levant, nonnunquam nil mutant, hinc a multis Medicis critica, ab aliis symptomatica morbo accidentalia dicuntur; paucis notabo, quae mihi colligere licuit.

A sordibus in ventriculo haerentibus vomitorio non electis miliaria erumpunt. Illustr. van Swieten id notasse videtur, dum dicit, an non forte in febris collectis circa praecordia sordibus quandoque exanthemata prodeunt? Certe mihi talia in morbis curandis occurrebant, quae huic sententiae favere videbantur, cum nempe sursum vel deorsum sponte vel arte deturbatis his sordibus evanescebant haec exanthemata. Confirmat idem Zimmermann (a), qui miliaria ut symptoma periculorum vident, ubi in principio dissenteriae debita evacuantia in usum non vocata fuerunt.

Iis, qui caldiore regimine tractantur, frequentiora sunt miliaria, ubi diffatis subtilissimis crassiora ad vasa cutanea moventur: apparebat id, dum Fratres Misericordiae acuta decumbentes ex nimia sollicitudine saepius ab assistentibus eiusdem ordinis stragulis plus tecti crebrius miliaribus laborabant, ubi reliqui Nosocomii aegri rarissime exanthemata habuerunt.

Illustris Sanchez, olim Augustissimae Russorum Imperatricis Archiater inter Germanos solos miliaria vedit dum ipsis Russis eadem raro vel nunquam accidere observavit: adscribit id stragulis plumaceis; quibus priores cooperiuntur.

An non ideo frequentiora puerperis miliaria?
dum

(a) Von der Ruht unter dem Volke, S. 26.

dum omnis aura a feminis adstantibus arcetur, hinc, cum aquosis tepidis abutantur, materia faciliter ad cutim disponitur.

Soli vero huic causae exanthematum eruptio-
nem adscribere nec ratio, nec experientia suadet. Sic Celeb. Baldinger (*a*) notat rara fuisse in exer-
citu Regis Borussiae miliaria, licet calor cubiculi
et remedia calida vexassent aegros.

Tralles assumpto opio in febribus exanthemata
generari dicit, an non ab aucto inde humorum
mutu et impeditis evacuationibus?

Quandoque epidemica constitutione prodeunt. Sic anno 1758 omnes sere acuta decumbentes haec
exanthemata habuerunt, licet primis viis purgati,
nec stragulis onerati, aut medicamentis calidis ve-
xati aegri fuissent.

Stimulum certe in aëre nos ambiente latere
posse mens est magni aphorismorum Boerhaavii
Commentatoris.

An non quandoque talis constitutio ab infectis
per aërem dispersis? suadent id Linnaei observata,
licet omnia vel plurima exanthemata ab infectis
visci minime contendam.

Cum Cel. Cullen observavi, frequentiora mi-
liaria iis esse, qui magnas sanguinis depletiones passi
sunt. Forte quia Medici vires aegrorum nimium
languentes medicamentis stimulantibus, sudoriferis
et calido regimine non raro erigere student.

Eruptio non unquam efflorescentiae miliares
moderato aëris regimine datis antiphlogisticis, evi-
tatis stimulantibus, die critica, praecedente magna
anxieta, inquieta corporis iactatione, anhelosa
respiratione, quae apparentibus exanthematibus le-
vantur.

Si

(a) Von den Krankheiten einer Armee. S. 139.

Simul pulsus parvus in magnum, inaequalis in aequalem, cutis arida in madescem mutatur, oculi turbidi clariores redduntur; hinc secretio materiae **morbificae** et eiusdem per vasa cutanea excretio fieri **videtur**, prout id obtainere saepius citatus Lib. Baro van Swieten meminit, dum Tomo 2do statuit, febrilia exanthemata frequentissime inde fieri, quod per febrim deponatur materia critica in vasa quae-dam obstructa dilatata vel rupta, et pag. 404. monet, quod in febribus malignis lenitas et levamen observetur, dum exanthemata erumpunt.

Prosper Alpinus quoque in immortali suo de praesagienda vita et morte aegrotantium tractatu pustulas parvas milio similes malas quidem et exitiosas quandoque statuit, bonas tamen esse dicit, ubi natura praesertim critice excernit humores summe putridos et ubi, cum signis coctionis apparent, annexit aegroti enim ipsis erumpentibus maxime levantur.

Nec obitate videtur, criticam non esse per miliaria evacuationem, quod aut sudor aut urina cum sedimento lateritio saepius iuncta sit. Frequenter enim occurrit, eos, qui diarrhoea iudicantur, sudare nonnunquam, et urinam talem deponere.

Confirmat id Araeteus, qui, postquam dixerat larga narum haemorrhagia vel alvi deiectionibus morbum levari, addit: est etiam, quod in urinas convertitur; quibus autem omnia simul accident, ii celerrime sublevantur.

Ex his forte appetit miliaria nonnunquam critica esse, quod maxime in febribus catarrhalibus et theumaticis accidit.

Ipsi huius sententiae adversarii ab exanthematis levamen sperare videntur, dum corticem peruvianum ut remedium expulsionem exanthematum summa cum aegrorum euphoria promovens, sustinens, maturans, perficiens laudant.

Pessime tamen errare videntur ii Medici, qui exanthemata regimine calido et medicamentis stimulantibus extorquere student; hac enim methodo subtilissima dissipantur, crassiora in corpore remanent, aegri sudoribus diffluent, febris acceditur. In simili casu, si miliaria erumpant, anxietas et cetera symptomata non minuantur, verum augentur et deliria, phrenitis succedunt.

Arcendus tamen frigidior aër, cavendumque, ne aegti ex lecto eximantur, adversarii enim calidioris regiminis testantur, quod aegri miliaribus decumbentes debiles admodum sint, et ad minimam auram frigidam perceptam perniciose habeant, imo plures, dum ad necessaria corpus erigere gestiunt, animo linquantur.

Cura in miliaribus ea est ac in febribus, quae sine his terminantur, decoctum hordei, succus citri, acetum, oxymel, syrupus ribium, rubi idaei etc. in usum vocanda.

Pessimum praeiudicium nonnullorum animis infedit, cum in miliaribus odor vapidi aceti notetur, absorbentia exhibere et acidiusculorum, acidorumque usum interdicere. Sitis ingens et appetitus, quo aegri ad acida feruntur, id non peccare, sed metum putredinis aesse docent, cadavera certe eorum, qui miliaribus pereunt, cito intolerabiliter foent et intumescunt. Hallerus (^a), dum Leidae paucis cadaveribus avide uteretur, observavit, musculos viscerem concepisse cum acido manifesto odore; solet autem acorem, qui putredinem praecedit, ingratum esse, videtur enim in animali putrescente rancor corrupti olei se cum evoluto acido coniungere.

Ubi ingens calor, dolor capitis, rubor faciei, pul-

pulsus durus praesentibus etiam exanthematibus,
venae sectio instituenda.

Abrahamus Nehemias (a) Lusitanus iam voluit:
ut post exanthematum eruptionem, praesertim si
antea sanguis missus non fuerit, si adsit plenitudo,
vena secetur, additque, denique in omni morbo,
omni tempore, loco, aetate etiam puerili et senili,
ut simul omnia complectar, ubicunque apparuerit
sanguinis plenitudo cum virium robore, sanguis
mittendus citra ullam exceptionem.

Ubi vires deficiunt, pulsus inaequalis, debilis, inter-
mittens est, vinum austriacum, vesicantia, camphora,
cortex peruvianus, etc. pro varietate symptomatum, ut
in prioribus capitibus dictum, in auxilium vocanda.

Nonnunquam subito disparent miliaria, quod
malum signum, nisi alia levans evacuatio accedat,
secus anhelitus, dispnoea, deliria, oppressio praecordiorum,
subsultus tendinum, convulsiones et
non raro mors sequitur.

Quo copiosiores pustulae et prominentiores,
eo maius iis subsidentibus periculum.

Retrocedunt miliaria ab excessu in esculentis
et potulentis, calido nimis regimine, ab aura fri-
gidiore, diarrhoea copiosiore, hinc diversa requirun-
tur auxilia, ut miliaria iterum ad exteriora ducantur.

Pulsus durus, facies rubra, calor magnus ve-
nae sectionem indicat, quandoque repetendam;
maxime si exanthemata a spirituosis assumptis, aut
lochiis suppressis originem duxerunt.

Sanguis eductus saepe densissimus conspicitur,
hinc patet, miliarium eruptionem foli putridae san-
guinis solutioni tribuendam non esse.

E

An-

(a) Methodus medendi universalis per sanguinis missione et purgationem. Lib. II. cap. 2.

Antiphlogistica remedia ex radice graminis cum sale polychresto, oxymelle, succo citri, etc. in usum vocanda, corpus moderate tegendum, ab omnibus calidis stimulantibus remediis abstinentium.

Miliaria, ut superius monui, excessu esculentorum retrocedunt, noscitur id ex relatione aegri, sensu ponderis ad scrobiculum cordis, ructibus male olentibus, nausea et vomendi conatu. Diluentia tentari possunt, si symptomata inde non minuantur, faburra in ventriculo haerens infuso ipecacuanhae ejicienda est (Nro. 40.).

Si nullus in diaeta error praegressus, nec latitantis in ventriculo faburrae adsint signa et miliaribus retrocedentibus vomituritio, aut vomitus sequatur, notat, materiam morbi ad ventriculum latam esse, pulsus parvus, inaequalis, undosus, vires admodum prostratae, tremores, subsultus tendinum observantur, cavendum a vomitorio, sed vesicantia suris applicanda theata tepida largiter exhibenda, camphora, moschus, essentia castorei, ut in capite de febre maligna dictum, in usum vocanda.

In convulsionibus post miliaria retrogressa ortis vix efficacius remedium ac moscus occurrit, qui, ut Huxhamus testatur, sine magno calore per cutim expellit, certe moscho assumpto potissimum aequalis, blandus et levans sequitur sudor, quem tranquillus excipit somnus.

Continuare simul oportet diluentia, corticem peruvianum, etc. pro varietate symptomatum.

Si disparentibus miliaribus, oborta largiore diarrhoea aeger levetur, nihil mutandum est. Ubi vero debilitas, anxietas, tremores, cetera gravia symptomata aegrum vexant; vesicantibus, et internis remediis in prioribus capitibus nominatis diarrhoea sensim sensuque compescenda est.

C A P U T VII.

De Petechiis.

Aliae sunt rubrae, aliae lividae, demum et nigricantes, rarissimae sed pessimae ultimae, malae quoque lividae, sed et rubrae periculosae.

Nonnunquam purpureae aut lividae prodeunt in rubras mutantur, nonnunquam quae rubrae prodierunt, purpureae et lividae fiunt.

Epidemicae et sporadicae graffantur, quandoque miliaribus iunctae sunt, nonnunquam cum morbillis prodeunt et saepe post eos spectantur.

Incerto erumpunt die ut miliaria, vires prostratas, pulsum debilem, deliria, soporem, fitim et potissimum continuam remittentem febrem comitem habent.

Collum, iugulum, pectus, abdomen, femora, raro pedes occupant; si in facie prodeant, periculo pliores, dilatantur, non eminent, sine desquamatione abeunt, sensim disparent; similes sunt morsibus pulicium, ab his distinguuntur, quod stigmatibus careant, quae in morsibus pulicium conspicuntur, nonnullae rotundae et aequales sunt, aliae diffusae intra cutim latius procedunt, haec species rarer, sed periculosior est.

Dum in febribus putridis primae viae non sufficienter purgantur, petechiae saepius apparent. Patet id ex medicamentis praegressis, naufea vel appetitu prostrato, abdomine magis inflata, alvo admodum foetente, lingua spurca, urina iumentosa, anxietate et scobiculum cordis, sudore copioso nov levante.

Sed et petechiae erumpunt, ubi materies morbi

primo sanguinem et humores afficit. In his aegris faburiae in primis viis latitantis signa absunt, petechiae citius cernuntur, urina minus crassa et colorata est, sopor, subsultus tendinum, tremores brevi aegros vexant, sudor aquabilius, ut plurimum levans, sequitur.

Nonnunquam constitutioni epidemicae, ambientis aëris calori et medicamentis stimulantibus originem debent: hinc frequentius petechiae morbillos aut variolas comitantur, vel in locis humidis arctis grassantur, aut ubi multi aegri in aëre minus renovato decumbunt.

Petechias vix unquam criticas esse et experientia et ratio suadet, cum ceteris paribus, quo plures et copiosiores hae eruptiones, eo morbus periculosior. Afferit tamen Magnificus Störck, se iuvantes petechias vidisse.

Familiares militibus petechias esse, testatur Mindererus, (a) quod per pluvias madefacti cogantur in humidis vestibus dormire, optime ergo cautum erat, dum in exercitu nostro milites palliis muniebantur.

Frequentissime apparent petechiae in febre putrida, rarius in maligna, rarissime in inflammatoria.

Cura differt pro ratione febris, quae eas comittatur.

Pulsus durus, plenior (licet rarissime occurrat) venae sectionem poscit. Sanguis tunc eductus crusta tenuissima tectus saepius appetet. Cura in his eadem est ac in febre continua simplici.

Petechiae in febre putrida, apparentes largissimam quantitatem acidorum mineralium et corticis poscunt: observavit enim Huxhamus et alii Cel. Autores, sanguinem in febribus petechialibus detractum vere foetidum fuisse.

Vires labefactae vino austriaco et levi camphorae dosi erigendae, maiorem enim saepe non ferunt aegri.

(a) Medicin. militar. pag. 375.

aegri. Sic egregius Carolus Strack (*a*) a XXIV. granis camphorae de die ingestis febribus et morbum inde auctum vidit.

In petechiis cum febre putrida crebrior alvus animadvententibus iam Wratislaviensibus timenda non est, imo ubi abdomen tumidum et inflatum, appetitus prostratus, nausea, lingua spurca animadvertisitur, infuso tamarindorum, tinctura rhei, sale polychresto alvus sollicitanda est, interposito acidorum mineralium et corticis peruviani usu. Minus tuta purgantia ex scammoneo et ialappa videntur, quae tunc a quibusdam autoribus commendantur. Si vero predicta symptomata absint, purgantia remedia vitanda videntur; optime Camerarius (*b*) afferit: petechiae in certis epidemiis diarrhoea solvuntur, cave autem, ne ad omnes extendas, pluribus diarrhoea fatalis est.

Pro potu optime inservit serum lactis spiritu vitrioli ad fortioriem aciditatem paratum.

Stimulantia et sudorifera in simili casu magis nociva quam proficia observantur.

Abdomine inflato praeter remedia alvum leniter moventia clysmata ex infuso florum Chamomillae profundunt.

Si petechiae cum febre maligna apparent, ubi malum in sero aut liquido nerveo haertere videntur, remedia in capite de hisce febribus nominata conducunt.

Si pulsus parvus, debilis, sed satis aequalis, camphora prodest; ubi vero pulsus tremulus, undosus, mixtura (Nro. 20.) longe efficacior reperitur.

In febre maligna cum petechiis diarrhoea periculum portendit; hinc remediis in prioribus capitibus allatis brevi compesci debet.

Quae in praecedentibus de diaeta et aeris puritate dicta fuerunt, in febre petechiali quoque locum habent.

E 3

CA.

(*a*) Obs. med. de morib. cum petech. (*b*) System. cauet. med. p. 371.

C A P U T VIII.

De Variolis.

Omnis aetatis homines, frequentissime vero infantes variolis afficiuntur, ab iis immunis est foetus sentiente Gotunio et Mauriceau exemplum narrat feminae, quae quinto graviditatis mense graviter variolis decumbebat, absque quod infans minimum signum habuerit huius morbi. Simile quid apud Olaum Borrichium legitur. Verum testatur Mead infantem in utero matris variolis laborasse et Cl. van Ipern uxor grida, duos liberos variolis affectos absque omni incommodo eurans, infantem sanum quidem, in quo tamen vestigia variolarum conspicerentur, peperit, paulo ante partum, ubi foetus probabilius hoc morbo laboravit, anxia fuit (a).

Sporadicae sunt et epidemicae, haec vernali tempore ingrediuntur, aestate maxime grassantur, minuantur autumno et vix hyeme apparent.

Occurrunt discretae et confluentes, ubi pustulae non sunt distinctae, sed paulo post eruptionem in vesiculam rubram parum ultra superficiem cutis protuberantem confluent. Hae periculosiores censentur, sed confluentes nennunquam minus negotii faciunt ac discretae. Hinc a Clar. Mead in benignas et malignas dividuntur.

Praecedunt variolas laffitudo, dolor capitis, lumborum, horripilatio, anxietas ad praecordia, vomitus, celeritas pulsus, frigus, succedente calore, quem

quem sudor excipit, febris minuitur, iterum augetur, sopor ut plurimum infantes vexat, ex quo quasi terrefacti saepius evigilant, adulti communius insomnes sunt.

Tertio vel quarto die primum in facie, mento, pectore, collo apparent maculae rubrae, parum tamen elevatae, ut accuratius digito examinatae tangi possint. Conspicitur dein in medio earum punctum pellucidius, quo a morbillis distinguuntur. Augentur postmodum variolae numero, elevantur in pustulas, fiunt latiores, et demum dorsum, pedes, femora petunt.

Eruptio potissimum per tres aut quatuor dies contingit, per totidem circiter suppurantur, simili tempore immutatae manent, eodem ordine exsiccantur et per squammas decidunt.

Pus primo est tenue, dein magis flavescent pustulæ et circulo rubro circumscribuntur. Si paucæ sint, cutis intermedia naturalis est coloris; si copioſae, rubet et tumet: hinc facies primo ita intumescit, ut oculi claudantur. Dum pustulæ in facie exsiccantur, eius tumor minuitur et manus maxime suppurant et inflantur, ultimo demum pedes.

Hic est ordo variolarum benignarum, malignæ et citius erumpunt et suppurationis exsiccationisque tempus longius extenditur.

In adultis salivatio, in infantibus diarrhoea frequentissime accedunt.

In nonnullis febris et symptomata adeo levia sunt, ut morbus non animadvertisatur, nisi variolis iam apparentibus.

Quandoque tarde admodum erumpunt obsummam debilitatem.

Sunt et variolæ, quæ verrucarum formam in-

duunt nulla sequente suppuratione, sed una ferē exsiccatione terminantur.

Prognosis est varia ratione constitutionis epidemicae, aetatis, subiecti, symptomatum et variolarum ipsarum.

Nonnunquam epidemia admodum benigna est, non raro pessimae speciei variolae epidemice gravantur, infantes ut plurimum facilius curantur, quam aetate proiecti; gravidae et puerperae maius incurront periculam, plus quoque periclitantur cacoehymici, scorbutici et venerei.

Quo variolae citius prodeunt, eo periculosiores notantur, quandoque tamen, ut superius monuit et malignantum tardior eruptio est ob summam aegrorum debilitatem; pulsus horum parvus, pallor faciei, totiusque corporis, sopor profundus et maxima virium prostratio animadvertisit.

Vomitus continuus, inquietudo, ingens ad praecordia anxietas, vehementes lumborum, dorsi, abdominis dolores, urina tenuis malignas communiter nunciant variolas.

Convulsiones in infantibus leviores ante eruptionem nil sinistri notant, graviores et diuturniores ingentem febrem et copiosissimas variolas futuras indicant, timendae maxime sunt convulsiones, ubi post eruptionem accedunt, vel si retrocedentibus variolis, aut suppurationis tempore sequantur.

Haemorrhagia eruptionis tempore levamen fert; mala, quae post eam spectatur. Infausti ominis est haemoptoea et mictus cruentus.

Diarrhoea rarer est in discretis, sed periculosior, observante Helvetio, ac in confluentibus, cum vires frangat et pustulas supprimat.

In benignis post eruptionem symptomata minuntur; si vero calor, vomitus, deliria, sopor con-

ti.

tinuent, vel subsultus tendinum accedant, morbus est periculo plenus.

Quo pustulæ, pauciores, plus elevatae, respiratione liberior, eo benignior morbus.

Pessimae sunt variolæ depressoë, ex atro rubentes, nigricantes, in medio foveam impressam habentes. Periculosisssimae quoque crystallinae, quarum pustulæ ichorea et glutinea materia repletae sunt.

Purpureas maculas, variolis interspersas mortis fere semper praenuncias vidit Sydenhamus.

Cura varia est.

Admodum benignae variolæ remediis non egent, sed dieta et dato ad finem morbi levi purgante curantur. In reliquis cura variat ratione symptomatum et virium.

Hinc si febris exorbitet, moderanda; si vires langueant, excitandæ, prout in capite de febribus in genere dictum fuit.

Certa signa variolarum ingruentium non habentur, licet febris, vomitus, dolor spinae dorsi, constitutio epidemica suspicionem futurarum variolarum reddant, si constet aegrum iis nondum laborasse.

Plenitudo et durities pulsus venaë sectionem in omni morbi stadio indicat.

Pessimus error, ob solam suspicionem variolarum sanguinem mittere.

Signa latentis in ventriculo faburræ vomitorium poscunt, his absentibus emeticum non convenit, licet nausea et vomitus aegros vexent, cum symptomata haec miasmati varioloso originem debeat et medicamentis compesci non possint, sed diluentibus et eruptione tollantur.

Alvus clausa clysmate emolliente aperienda.

Magnus calor, dolor capitis sinapismos acrios res postulant.

In initio variolarum medicamenta antiphlogistica, leniter alvum moventia ex aceto, succo citri, sale polychresto, nitro, syrupo rosarum solutivo convenient.

Pro potu limonata, syrapi aciduli aqua diluti vel decoctum hordei cum oxymelle propinandum.

Abstinendum ab omnibus stimulantibus, sic pessimo effectu a plebe mirtha in initio variolarum propinatur; cavendum quoque, ne stragulis onerentur aegri.

Accidit tamen, licet rarius, ut in eruptione iam vires vitae deficiant, quod pulsus debilis, vires summe prostratae, urina pallida, sopor, stupor docent; abstinendum in his a clysmatibus, medicamentis refrigerantibus; verum vesicantia apponenda et remedia stimulantia ex serpentaria, camphora in usum vocanda (Nro. 18. 19.).

Adultis vinum thenanum, aut austriacum aqua dilutum pulchre prodest. Si primae viae oneratae sint, vomitorium aut leve purgans ex tinctura aquosa rhei praemittendum.

Eruptione facta et in variolis discretis acida mineralia utilissima sunt. Cum auctores testentur, quod et benignae variolae saepe sine manifesta causa in malignas mutentur et mors sequatur.

Efficacissime putredini resistunt acida mineralia, nec sufficiunt vegetabilia in gravioribus variolis. Sic Clar. Schwenke observavit, lac ebutyratum et succum citri in variolosis putridis nihil ex putrido aegri mutasse, sed in id brevi degenerasse.

Dosim acidorum mineralium magnitudo morbi et vehementia symptomatum determinant. Saepe plus drachma nictemeri spatio sufficiebat, sed et ad unciam semis et drachmas sex ascendendum erat.

Uſu

Uſu horum urina copiosa et alvus liberior sequitur, praecavetur diarrhoea, quae faepius acribus folidibus in intestinis congestis aut ad intestina depositis originem debet.

Imminutis symptomatibus dosis acidorum mineralium minuenda.

Infantibus potum respuentibus spiritus vitrioli syrupo grato, ut rubi idaei, fragorum, etc. mixtus cochleatim exhibitus nonnunquam arridet, quidam aqua dilutum, faccharo ad gratiam addito, instar limonatae hauriunt.

In adultis et subiectis fibrae strictae serum lacris cum spiritu vitrioli ad fortiorem aciditatem paratum magnae est utilitatis.

Quandoque per unum aut alterum diem alvus silet, si nullum inde incommodum percipiatur, nihil movendum est; ubi autem dolor capitis, maior calor, sitis, abdomen tensum notantur, clyisma emolliens iniicere, mixturam cum salibus mediis exhibere oportet, donec alvus inde moveatur.

In stranguria tenues emulsiones ex amygdalis, seminibus melonum, syrupo althaeae edulcoratae profund.

Si aegri viribus labantur, feces admodum foeteant, neque variolae pure bene repleantur, vel si mixtus cruentus accedat, ad extractum vel decoctum corticis continuatis acidis mineralibus confundiendum. Miratus est Bergius (*a*), quod in variolis confluentibus cortex peruvianus salivationem nonquam inhibuerit. Convenit et brevi cortex peruvianus, si initio variolarum semitertiana accedat aut hac laborantes iis corripiantur.

Puella

(*a*) Mater. medic. Tom. I. pag. 119.

Puella quindecim annorum ingenti moerore confecta variolis corripiebatur, altero post eruptio-
nem die pustulae coeruleo circum-scribabantur limbo,
pulsus erat debilissimus, urina pallida, alvus libe-
ra, sed nullus dolor, nulla anxietas vexabat ae-
gram, variolae confluebant in universo corpore,
a minima pressione, a mutato situ rumpebantur,
et tantam copiam teri limpidissimi fundebant, ut
lintea omnia madescerent; sexta die salivatio ac-
cedebat, et per os, anum et pudenda sanguinem
coloris rosei excernebat, sequebantur subsultus
tendinum, tremores, pulsus inaequalis, sopor;
data fuit camphora, moschus et mixtura ex cor-
tice, spiritu Mindereri, aqua melissae, tyro-
pokermes; sed adhibitis omnibus incassum, perdura-
bat magna humorum colliquatio et undecima mor-
bi die periit.

Alumen potens in dissolutione humorum auxi-
lium propinare non audebam, ne salivatio suppri-
meretur; brevi altera occurrebat eiusdem aetatis
puella similibus variolis decumbens, deerat tamen
coeruleus ille pustulas ambiens linibus, pedes
brevi gangraena occupabat. Externe fomenta an-
tiseptica admoxi, interne camphoram, corticem,
spiritum Mindereri cum larga aluminis dosi adhi-
bui, inde salivatio non suppressebatur, nec mor-
bus in peius ruebat; demum ob ingentem colli-
quationem dimidiam drachmam tinturae martis
prioribus pharmacis addidi, quibus integrae sanitati
restituebatur; mansit tamen per longissimum tem-
pus ulcus foedum in naribus, quod demum plum-
batis remediis sanabatur.

Nonnunquam pulsus in debilem, inaequalem
mutatur, pallent aegri, soporosi decumbunt, tre-
moribus, subsultibus tendinum corripiuntur; his

vires

vires per spiritum Mindereri, camphoram, moschum, vesicantia et calidius regimen erigendae sunt.

Bene attendendum, ne, ubi manus admodum tument, pulsus pro parvo habeatur, licet fortior sit. Pulsu enim subduro licet debilitas magna adficit, remedia stimulantia, imo ipse cortex nocuus observatur.

Quandoque in variolis respiratio difficilis cum stertore, exscrectione difficiili supervenit, decoctum ex radice graminis, althaea floribus verbasci addito oxygnelle scillitico et simplici saepius hauriendum. In metu suffocationis levissima dosis kermes mineralis repetitis pro necessitate vicibus in usum vocanda, continuatis tamen pro diversitate symptomatum supra nominatis remediis.

Eadem methodus convenit in salivatione, ubi materies adeo crassa, ut suffocationis metus nascatur.

Diarrhoea nimia, quod pulsus et vires debiles docent, mixtura ex gummi arabico et laudano liquido moderanda.

Secus in hoc morbo opium non videtur convenire, cum sudores moveat, febrem incendat, ad putredinem disponat et hamores acres in corpore retineat, salivationemque minuat.

Vidit Tissot in confluentibus aegros somno caruisse per septem nichemera, nec pejus se habuisse; alios excitari saepius curavit, dum et a somno naturali salivatio supprimebatur.

Exsiccatis variolis lenia purgantia dandas, ut materies putrida, quae in atroci hoc morbo non nunquam in intestinis colligitur, evacuetur.

Variolae parum flavescentes acuta forfice discindendae sunt, spongia aqua et lacte tepido madida abstergendae, et dum pure iterum repletur, de novo aperiendae. Sic tensio et dolor minatur, aegro

gro quies conciliatur, atque ingentes febres et abscessus, qui ex resorpto in sanguinem pure nascuntur, praecaventur.

In variolis copiosis a pure effluente crusta formatur, totam saepe faciem tegens, haec lacte tepido humectanda est.

Aëris puritas toto morbi tempore imperanda, aestivo tempore siccitas et calor ramis sambuci aut fraxini aquae immisis, vel aspersione frigidæ in pavimenta corrigenda, nec plures variolos in eodem cubiculo servandi, quia gravior inde redditur morbus testante Pringle.

Sed inconsultum videtur variolis aut sponte aut arte insectos rudiori aëri per dies exponere, id enim quod sanos pessime afficere valet et aegrotos laedere solet; sic rheumatismos, pertinacem, sicciam tussim licet non lethalem a nimis frigido regimine in inoculatis viderunt viri in arte exercitati.

Suppurationis tempore lintea et indusia mutanda sunt, ne in putridis fordibus decumbant aegroti.

Victus ex panatella cremore hordei, fructibus horaeis coctis imperandus est.

Constat, ut opinor, ex praegressis curam variolarum ab initio antiphlogisticam esse, dein eam convenire, quae in capite de febre puttida commendabatur: nonnunquam tamen licet rarius; sive in initio, sive in progressu morbi, si malignitas variolis iuncta sit, ea in auxilium vocanda, quae de febribus malignis dicta sunt.

Magis enim toto morbi decursu ad vires et symptomata, quam ad stadia variolarum attendendum ex quorum nimis sollicita indagatione confusa potius, quam simplex et tuta medela habetur.

In numeroſissima, quam exerceo praxi tredecim annorum spatio sex variolosos perdidi, inter hos

hos duae chirurgi cujusdam proles erant, quarum una confluentibus laborans morti iam vicina fuerat, dum vocatus essem; altera, me per binos dies abiente, a patre purgans acceperat, inde diarrhoea remediis non cedente periit.

Non haec adduxi, ut opiner, me in sanandis variolis excellere, sed ut demonstrem, quod simplex medela aliarum febrium continuarum curandarum in variolosis curandis sufficiat, et memorem solummodo Medicum esse oporteat moniti Ill. van Swieten (*a*), ut omni cura inquirat in genium morbi, qui exanthemata comitatur.

Tentabatur hic Viennae, ut in aliis Europae locis, summo cum successu inoculatio. Inoculationis enim arcanum notante Tissot est, ut variolofum virus indatur corpori omni rigiditate, laxitate, obstructione, cacochymia, viru, omni demum labe vacuo, verbo corpori fano, sed non athletico

C A .

(*a*) Tom. II. pag. 493.

C A P U T I X.

De Morbillis.

Omnis aetatis homines, crebrius vero tenerae, morbillis afficiuntur.

Sporadici sunt et epidemici: benigni et maligni.

Antecedunt morbillos horrer, inapetentia, tussicula, sternutatio, anxietas, vomitus, oculi lacrymantes, sudor, sed non tam copiosus ac in variolis.

In regularibus quarta die prodeunt, ut maculae parvae morsibus pulicis similes. Primo frontem et faciem, dein pectus, ventrem, brachia, crura, ac femora occupant. Elevantur in facie, quod potius tactu, quam visu distinguitur, coalescunt, et maculas variae figurae et molis formant. In reliquo corpore nonnisi asperitas cutis deprehendit.

In minus regularibus citius aut serius erumpunt, et nonnunquam primo in artubus et truncо apparent.

Minus colorati circa sextum diem in facie fiant morbilli, tum in reliquo corpore maxime rubent.

Primo disparent in facie, dein per totum corpus: loca, quae morbilli occupant, alblicant, ac si farina conspersa forent, rupta cuticula, quae squamularum forma decidit; licet quandoque non in squammulas abeant morbilli, sed insensibili modo bono aegrorum habitu evanescant.

Nonnunquam tempore epidemico febre morbillosa aut variolosa corripiuntur aegri, quin exanthemata sequantur.

In benignis morbillis eruptione facta quandoque omnia mala symptomata cessant; nonnunquam vomitus

mitus non amplius aegros vexat; sed tussis, dyspnoea et inappetentia perseverat.

In prognosi variant, ideo Illustr. van Swieten monuit: quod non adeo magnum discrimen inferant morbilli, si exteriora saltem occupent, neque calido regimine tractentur; ubi vero delirium vel dyspnoea suspicionem faciunt ad encephalon vel pulmonem simile malum haerere, anceps discrimen adesse.

Nonnunquam enim morbo iam finito tussis remanet et materia morbillosa sufficienter non evacuata ad pulmones fertur, tussim, inflammationem et phthisim sequentem producit.

Cura varia est ratione symptomatum, aegri, etc.

Benignissimi morbilli naturae commissi sannatur. Sufficiunt diluentia, hordeata, emulsiones.

In morbillis gravioribus symptomatibus stipatis semper ad vires vitae attendendum, ut languentes excitentur et nimiae minuantur.

Venae sectio instituenda sive in principio, sive in progressu, sive in fine morbi, ubi plenitudo, durities pulsus, respiratio admodum impedita notantur.

Si signa latentis faburrae in ventriculo animadvertantur, vomitorium propinandum.

Anno 1772 morbilli et febres putridae gravissimae epidemice grassabantur. In multis, qui utroque morbo afficiebantur, vomitorium exhibendi et repetendi necessitas erat. Nullam inde noxam vidi, sed morbus uterque placide decurrebat.

Ob solum vomitum emeticum non est propinandum; quia vomitus spontaneus sine latente bile corrupta in ventriculo sola eruptione tollitur.

Si febris magna, neque diarrhoea aegrum vexet, mixtura ex salibus mediis et oxymelle prodest.

Acida ob tussim minus convenient.
autem

In nimio calore sīnapis̄mi plantis pedum apponendi.

Remedium optimum est decoctum ex radice graminis althaeae oxymelle edulcoratum. Pro potu decoctum hordei cum oxymelle convenit.

In subiectis debilioribus, languentibus abstinentia a venae sectionibus, clysmatibus et refrigerantibus. Hoffmannus ab intemperioso nitri usu tres puellos a Medico necatos refert. Respiratio enim difficultis a retardata macularum eruptione pendet, quae tepidis, leniter diaphoreticis, ut infuso florū lumbuci et calidiore regimine promovenda.

Pulsus parvus, debilis vesicantiz poscit; his non proficientibus ad levem camphorae dosim confugiendum.

Symptoma maxime aegros torquens tussis est. Ad hanc compescendam pro varietate causae varia indicantur remedia.

Si admodum sicca sit, inspiratio vaporis aquae calidae saepe iuvat.

Aegris quorum vires constant, neque peculiaris acrimonia inest, sufficit decoctum ex resolventibus et emollientibus paratum (Nro. 41.). Iisdem syrups althaeae per parva cochlearia exhibeti potest.

Oleosa vix arrident, cum in debili ventriculo facile rancecant.

Nonnunquam tussis a materia acri, serosa ad pectus nimium affluente dependent. Similium aegrorum oculi plus lacrymantur, in eruptione, vehementior sternutatio notatur, serum acre ex naribus copiosus effluit, et sputa, si prodeant, tenuia et aquosa deprehenduntur.

Demulcentia ex gummi arabico (Nro. 42.), tragacanthi convenient. Prodest quoque decoctum falep et orchidis, maxime si alvus liquidior spectetur.

His non proficientibus opium per vices exhibendum, donec tussis minuatur.

Diacodium, quod a plurimis ut opiatum commendatur, vix sufficere videtur. Capita papaveris quidem (magis tamen immatura) narcotici quid possidere dubium non est; hinc forte quoddam ex solis iisdem capitibus bene saturatum decoctum vi sopiente pollere nemo inficias ibit, nostro attamen diacodio parum virtutis opiatae inesse inde patet. Ingrediuntur enim decoctum pro nostro diacodio et siliquae dulces et glycyrrhiza; imbutus igitur decocti latex horum corporum partibus solubilibus minorem copiam de papaveris capitibus assumere valet. Nam quo maior est farrago rerum simul decoctorum, eo minus de singulis extrahitur. Praeterea diacodium constat ex una tertia parte huius decocti et duabus tertiiis partibus sacchari; hinc non mirum, si unciae uni syrapi aut nulla aut valde exigua vis narcotica insit. Ego ipse ante plures annos morbillis laborans quinque unciis syrapi diacodii intra paucum tempus assumptis nec somnum, nec minutam tussim observavi. Convenit tamen optime syrpus diacodii demulcendi scopo.

Non raro diarrhoea symptomatica morbillis accedit, quod vires fractae et pulsus debilis notantur: haec remediis in superioribus capitibus notatis brevi compescenda est.

Quandoque subito disparent morbilli, et anxietas, oppressio pectoris et cetera gravissima symptomata nascuntur. In simili casu ea convenient, quae in miliaribus retrocedentibus laudabantur.

Ubi morbilli pallescent et exsiccantur, purgantia antiphlogistica propinanda.

Si convalescentes aut frigidori aëri se exponant, aut carnibus abutantur, febris et peripneumonia suc-

cedit, quae venae sectionibus, emollientibus, resolventibus, salibus mediis curari debet.

Maculis prorsus disparentibus quandoque tussis remanet et in habitum degenerat. Haec primo opio compescenda, dein diversis remediis pro diversitate aegrorum tollenda.

Si aegri habitus repletioris sint, parvae venae sectiones saepius repetitae et purgantia lenia prosunt. Si stricti admodum temperamenti, serum lactis convenit. Si exhausti sint, ut tabis futurae metus oriantur, lac cum aquis felteranis et aër ruralis commendandus. Ubi sputa purulenta, decoctum ex cortice peruviano et lichene islandico lacte mixtum pulchros saepe effectus praefstat.

Nonnunquam oedematosus tumor morbillis succedit, qui lenibus purgantibus, cortice peruviano, frictionibus et motu corporis curandus,

Quae in prioribus capitibus de diaeta dicta fuerunt et hic locum habent.

Atmosphaera, in qua morbillosi decumbunt, temperata sit; frigidior enim minus convenit, et calidior aequa, ac in aliis morbis exantematecis nocua deprehenditur.

Cavendum, ne aegri lui exponantur et oculi inde damnum patiantur. His aqua rosarum cum lacte tepido nonnunquam instillanda, ne a fero acri inflammentur.

Quandoque oculi et post morbillos inflammati sunt. Cucurbitae, pediluvia et vesicantia ad nucham in usum vocanda.

Reconvalescentes a morbillis aërem frigidum evitare debent.

C A P U T X.

De Erysipelate.

Erysipelas est macula laeta rubra, superficialis, cutim tendens, digito prementi cedens et eo amoto iterum rediens, omnem corporis partem, crebrius faciem occupans, non raro palpebras ita afficiens, ut aegri eas deducere nequeant.

Sedes erysipelatis in reticulo Malpighii locatur, ex hac ratione superficialis est, facile locum mutat, in resolutione dilatatur et rubor hinc inde dividitur.

In vehementiore erysipelate parvae vesiculae conspicuntur, iis similes, quae a combustione fiunt.

Ex pustulis faciei ruptis humor viscosus effluit, crustam formans per plures dies manentem.

Quandoque tumores nascuntur magni, ichore, aut sero acri turgentibus, quibus non crepantibus partes subiectae exulcerantur et roduntur: hinc erysipe-
las in ulceratum et non ulceratum dividitur.

Notatur et frequens erysipelas habituale.

Nonnunquam sat levia symptomata hoc exam-
thema comitantur. Nonnunquam ingens dolor capi-
tis, horror, calor et sitis morbum praecedit, per
duos, aut tres dies increscit; per unum aut alterum
maximo incremento haeret; dein minuitur et cutis
desquamatione terminatur. Sed et erysipelas per de-
cem, duodecim dies excurrit, sudore iudicandum.

Causa erysipelatis videtur esse humor acer, bi-
liosus, per sanguinem dispersus. Hinc aer humidus,
pluviosus, affectus animi violenti erysipelatis gene-
rationi favent.

Prognosis diversa est. Erysipelas partium exter-

narum raro discrimen habet, nisi retropellatur; si vero locum mutet et partes internas petat, phrenitis, lethargus, angina lethalis, etc. facile sequi possunt.

In tenibus vehementius erysipelas timendum, malum est in vulneribus cranii et pessimum in asciticis.

Erysipelas hydropi accedens malum; erysipelas mammarum externis irritantibus et inspissantibus tractatum non raro in suppurationem aut scirum hum abit.

Si erysipelati nigredo quaedam, aut pustulae, aut mentis alienatio superveniat, teste Sorbait vix spei relinquitur locus.

Dum in erysipelate faciei ad sensum leviori magna inquietudo, deliria accedunt cum pulsu inaequali, ut plurimum morbus lethalis est, notat enim erysipelas magis in internis et nobilioribus partibus.

Cura varia est. Si febris magna, pulsus plenus, durus, venae sectio instituenda, et quandoque repetenda est. Sanguis eductus pleuriticorum similis crusta tecus saepius conspicitur.

Signa latentis in venticulo faburrae occurrentia emeticum poscunt.

Cavendum a vomitorio, ubi a retrocedente erysipelate nausea et vomitus oriuntur, quae non faburrae, sed materiae axanthematicae venticulum petenti originein debent.

Si calor, sitis aegrum vexent, medicamenta antiphlogistica, ex aceto, nitro, sale polychresto, stibio diaphoretico abluto, roob sambuci, tamarindis sumenda, ut alvus aliquoties moveatur.

Crebriores purgationes praecipue in debilioribus, quorum pulsus parvus et celer est, morbum graviorem et longiorem reddunt.

De stibio diaphoretico non abluto diversa est Medicorum mens. Hic spernit, ut calcem inertem, fistularum tabacariarum terrae similem; alter ut medica-

dicamentum infidum damnat. Boerhaave calcem dicit inertem, nocuam: si iners, an nocua? si purgantia, ut Boerhaave sentit, admissa hæc calce stimulum acquirunt, an tunc iners? Spielmann Boerhaavium a Vigano in hunc errorem seductum carpit, nec iuste ut opinor. Clariss. Trillerus (a) non spernit stibium diaphoreticum ablutum ut inertem calcem, sed quia cum tempore aculeos suos recuperare timeret. An Wittenbergae singulis decero, aut viginti annis patetur, ignoro. In nostris officinis omni anno semel ad minimum confici debet, hinc tuto remedium hoc praescribi potest: et ideo stibio diaphoretico non abluto preferendum videtur; hoc enim meo iudicio ob incertam salium praesentium naturam et quantitatem incertum, inconstans et impurum est remedium: et mirandum, cur Medici semper varianti mixtione salium fidant, quorum nec certam quantitatem, nec naturam noscunt. Hi sales iam magis alcalefunt, prout stibium plus, minus calcinatur: cum acidis vegetabilibus misti odorem ingratissimum, sulphur volatile, aut aquam fortem redolentem eructant. Eadem ob rationem mixtuae (Nro. 8.) roob sambuci additi eam effervescere et nauseosam faciunt.

Pro potu diluentia, acidiuscula, ut decoctum hordei cum oxymelle, decoctum acetosae, limonata largiter haurienda.

Cavendum, ne similes aegris sudoriferis, aut calido regimine vexentur.

Si morbus a transpiratione suppressa generetur, moderatus lecti calor et remedia commendanda, quae transpirationem promovent, ut decoctum ex radice graminis, foeniculi, florum sambuci addito stibio diaphoretico et syrupo quinque radicum.

(a) Dispensat. Pharmac. univers. Tom. II. pag. 14.

Prodest et infusum florum sambuci theati in star haustum: omnia enim ex sambuco parata maxime in hoc morbo sunt efficaciae.

Abstinendum a validis sudorifetis et calefacientibus.

Si erysipelas locum mutet et partem nobiliorum petat, revellentia indicantur, vires vitae exorbitantes venae sectione, balneis pedum et remediiis antiphlogisticis compescendae, vires languentes vesicantibus et moderata camphorae dosi erigendae sunt.

Erysipelati epidemice saevienti cum pulsu debili, vomitu, ingenti capitis dolore, totius faciei tumore, crusta in sanatis, ut in variolis remanente, antiphlogistica methodus lethalis, sed alexipharmaca, cortex et vesicantia profuere.

Erysipelas habituale varia poscit remedia. Si ab humoribus biliosis malum oriatur, ut plurimum levis obstructio hepatis notatur, quae flavescente oculorum colore, lingua sordida noscitur; similibus aegris fructus horraei, serum lactis, succi ex taraxaco et acetosa profundunt, interpositis nonnunquam purgantibus ex roob sambuci, tamarindis, cremore tartari, et salibus mediis.

Vitanda omnia calefacentia et spirituosa.

Nonnulla subiecta adeo sensibilia sunt, ut ab aëris mutationibus creberrime erysipelate corripiantur.

His in paroxysmo, ut monui, lenia diaphoretica convenient; extra paroxysmum corpus frictionibus, motu, cortice peruviano et martialibus robosrandum. Caveant similes aegri ab aëre frigido, humido, per oppositas, aut angustas rimas intrante et a purgantibus; cum ab his transpiratio supprimatur.

Pro varietate erysipelatis varia remedia externe applicanda. In leviori malo fackuli sicci ex floribus sambuci, chamomillae et pauca farina fabarum tosta sufficiunt.

Parte affecta multum splendente fomenta emol-

Siēntia et leniter diluentia, ut flores sambuci lacti nocti profundunt. Nocerent siccā et terrea, quia partes indurantur et transpiratio materiae morbificae impeditur.

Parvae vesiculae humidum exstendant, quod ulcera generat, nisi absorbeatur. Hinc in simili casu terrea, ut pulvis ad erysipelas albus, vel ruber Disponsatorii Viennensis externe applicanda suadentur. Vesiculae, aut tumores fero acri turgentem aperendi sunt, ne partes subiectae rodantur.

Vitanda omnia resinosa, oleosa, pinguia, quia ab his erysipelas retrocedens et gangraena sequens non raro observata fuit.

A quibusdam in erysipelate externe saturnina commendantur, sed saepe pessimo cum successu corpori humano externe similia applicantur, prout uberioris expertissimus Brambilla Augusti Imperatoris chirurgus notavit (a).

Suppuratio ex erysipelate ut plurimum lente procedit, minus laudabile pus exhibet, et facile in ulcerā chronica vix sananda abit.

Non autem semper mala est ab erysipelate orta suppuratio, Clar. Strack (b) erysipelas singulare epidemicum observavit, quod, nisi suppuraverit, mortem attulit omniaque remedia, quae ad exteriora illud evocarunt, salutaria, quae autem solutionem praestiterunt, nociva fuerunt.

Si pars livefcat et gangraenae futurae metus sit; interne cortex peruviatius, externe antiseptica ex ruta, scordio, cortice peruviano cum vino et aqua parata in auxilium vocanda.

Si in faciei erysipelate cutis in maghas, irregulares vesica elevetur, vel pars parum livefcete incipiat, mox cortex dandus, et huic, si pulsus parvus inaequalis, camphora iungenda est. CA.

(a) Rifflessioni Fisico-medico-chirurgiche. pag. 24.

(b) Act. Mogunt. Tom. I. pag. 312.

C A P U T XI.

De Scarlatina.

Scarlatina exeunte aestate frequentior et iunioribus familiarior est.

Praecedunt eam virium prostratio sub sequente horripilatione, anxietate, calore, febre. Tertia aut quarta die maculae prodeunt rubrae, crebriores, latiores et multo magis rubentes ac illae, quae morbillos constituunt. Primo faciem, collum, pectus; dein dorsum, abdomen, artus occupant. Rubent partes affectae, ac si vino rubro tinctae forent. Permanent maculae per aliquot dies: febris et rubedo octava aut nona die ut plurimum integre disparent. Maculis evanescientibus cuticula desquamatur. Nonnunquam secunda aut tertia vice redeunt.

Dividitur scarlatina in sporadicam et epidemiam, quae maxime circa aequinoctium vernale gras fatur et contagio contrahitur.

Distinguitur quoque in benignam et malignam, quam vomitus, anxietas, oppressio ad praecordia, ingens dolor capitis, sopor comitantur: fauces interne rubent; inde respiratio celerior, laboriosior, deglutitio difficilis et neglecto morbo suffocatio.

In scarlatina sexta aut septima ab eruptione die in pedibus et manibus pustulae nascuntur similes miliaribus, sed non nisi aërem continent, a separatione et elevatione epidermidis dependentes, a quibus mole auctis decorticatio sequitur.

Uberius scarlatinam describit Clar. Plencicz et Rosenstein.

Prognosis variat: benigna vix remediis eget; ve-

verum moderato calore, diluentibus, theatis et post desquamationem leni cathartico facile curatur.

Abstinendum a remediis sudoriferis, vel nimiis stragulis, quia et inde benignus morbus in periculosum et lethalem facile vertitur.

Si maior calor, acetum, succus citri, decoctum hordei, oxymel, etc. convenient, quibus, praecipue si alvus fileat, sal polychrestum, mirabile Glau-beri et nitrum addendum. Urgente necessitate saponis plantis pedum apponendi.

Scarlatina maligna maius minusve portendit periculum pro gravitate symptomatum. Hinc pulsus parvus et celer, respiratio et deglutitio difficillima, summa virium prostratio, etc. infaustam formant prognosim.

Remedia exhibenda, quae a superioribus derunt, vires erigunt, putredini resistunt et symptomata minuant.

Potissimum medicamentum est cortex peruvianus varia forma propinandus.

Non raro aegri, praecipue infantes corticem respuunt, iis per enemata iniiciendus.

Calore et siti admodum urgente acida mineralia ad gratam aciditatem cortici addi possunt.

Pulsus parvus, celer; deliria, tremores vesicantia, camphoram, spiritum cornu cervi, moschum petunt, prout in superioribus capitibus de febre putrida, maligna notatum fuit.

Ubi deglutitio difficilis ob affectas fauces, injectiones ex aceto, aqua, melle iniiciendae, cataplas-mata (Nro. 43.) cum lacte collo applicanda sunt: urgentiori malo vesicantia et collo et nuchae apponenda.

Non raro bene interim valentes aegri post duas aut tres septimanas fugata iam scarlatina viribus laetitia,

buntur, et primo facies, dein totum corpus leucophlegmatico tumore turget, urinae secernuntur paucae loturae carnium similes, nonnunquam sanguineae.

Magis haec accidunt hyeme quam aestate; infantibus quam adultioribus; maxime iis, qui citius libero exponebantur aëri. Si tumor leucophlegmaticus aptis non cedat remediis, serum ad nobiliores fertur partes, et aegri comatosi, convulsi, apoplectici, aut suffocati pereunt.

Maius quoque periculum est, si febris leucophlegmatiae iuncta sit.

Frictiones, transpiratio in lecto, decoctum iuniperi (Nro. 44.) addito oxymelle scillitico et rhabarbarina (Nro. 45.) profund. His non iuantibus ea propinanda, quae in capite de hydrope dicentur.

Pauca et hoc loco de febre urticali referam.

In hac pustulae notantur pallido rubrae instar illarum, quae a percussione cum urticis conspi ciuntur. Pruritum, febrem remittentem quasi catarrhalem comitem habent.

Tertia, quarta die prodeunt; aliae iterum subsequuntur cum desquamatione cutis.

Facillime transpiratione, diluentibus curantur. Nonnunquam tamen epidemice grassantur, pulmones afficiunt et decoctum ex radice graminis, althaeæ, infusum florum sambuci, vesicantia, etc. petunt, prout ex capitibus praemissis facile patet.

C A P U T XII.

De Febris intermittentibus.

Tria febrium intermittentium stadia sunt, frigoris, caloris et sudoris.

Communiter incipiunt lassitudine, pandiculazione, horripilatione, nausea, vomitu, dolore capitis, etc. Pulsus, qui debilis et parvus tempore frigoris fuerat, subsequente calore in pleniorum et fortiorum mutatur: augetur sitis: urina magis tingitur: deinde sudore febris terminatur, evanescunt symptomata remanente ut plurimum debilitate.

Febres intermitterentes aliae sunt vernales, autumnales aliae. Priora a Februario in Augustum ultimae ab Augusto in Februarium dominantur. Sed, et autumnales quandoque iam Junio mense occurserunt; nonnunquam vero circa Septembris finem aggrediuntur.

Distinguuntur et intermitterentes apyrexia, seu tempore a paroxysmo libero, in quotidiam, tertianam, quartanam. Sunt quoque tertianae et quartanae duplicatae et triplicatae.

Quotidiana magis pueros et debiles vexat, creibius tempore verno spectatur, pertinax est: primae accessiones ut plurimum horis matutinis revertunt: rarius est quotidiana, sed tertiana duplex frequenter pro ea habetur. Riverius ex sexcentis aegris accessiones quotidie habentibus vix unum quotidiana laborare observavit. Differt quotidiana a tertiana duplice: quod huius accessus alternis diebus, non vero singulis sibi mutuo respondeant. Hinc semper attendendum ad tempus invasionis, quia hoc intermitterentes distinguit.

Ter-

Tertiana subiecta iuvenilia, temperamenti bilio-
ni, corpora exercitata plus infestat: frigus intenso,
strepitum dentium, calorem acrem et mordacem,
maiorem cephalalgiam sitimque comitem habet.

Quartanae typus omnium intermittentium est
maxime regularis: communiter promeridie aggredi-
tur: frigus est mitius, sed diuturnus, ac in tertia-
na: calor ut plurimum quinque aut sex horarum:

Praeter febres intermittentes regulares occur-
runt erraticae, seu typum obscurum habentes, aut
nullum ordinem sequentes.

Sunt et variae febres larvatae, pleuritidem,
choleram, apoplexiā mentientes. Ut plutimum
diaeta mala praegressa est, de appetitu prostrato con-
queruntur aegri, urinam iumentosam mingunt et eo-
dem tempore multi aut febribus remittentibus, aut
intermittentibus decumbunt. Sed quandoque vix no-
scendae sunt, nisi quod symptomata certo iterum
tempore redeant vehementer, quae aut admodum
mitia fuerunt, aut plane cessarunt. Similium fe-
brium historiam descripsit egregius Lauter Physicus
Laxenburgensis.

Causa proxima febris vix determinari potest.
Bene monet Bagliviā (in Paraenesi ad Medicos de
instituenda medendi methodo popularibus accommo-
data) quod febris, si phoenomena spectemus, reli-
quis morbis sit notior; si constitutionem et causam,
omnium ignotissimus.

Probabilis est sententia Illustr. van Swieten:
eam in nervis et liquido nerveo haerere.

Cause remotae et praedisponentes variae sunt.

Autumnales faepius bili putridae in primis viis
haerenti originem debent: nonnunquam gluten visce-
ra oblidens febrem producit: non raro aër plaudosus,
animi pathemata, etc. febrim causant. Quartana fre-
quen-

quentius a victu crudo, duriore, vita sedentaria, frigore autumnali insueto, a scabie retròpulsa oritur.

Prognosis variat ratione febris, temporis anni, constitutionis epidemicae, aetatis et subiecti.

Vernales mites saepe post septimum paroxysmum sponte cessant.

Autumnales nonnunquam remediis pertinacissime resistunt; frequentes habent recidivas, donec superveniente vere fine remedio solvantur. Hinc Celsius ait: quartana aestiva brevis, autumnalis fere longa est, maxime quae coepit hyeme appropinquante.

Febres tempore humido et pluvioso difficilius curantur, quam sicco.

Quandoque intermittentes epidemicae observantur, quae post unum aut alterum paroxysmum iam intermitunt.

Exhaustis, cacochymicis, gravidis, vel et illis, qui diurno alio morbo laborarunt, febris sat mitis lethalis fieri valet.

Senes non raro pereunt in frigore quartanae: ubi e contra Sydenhamus cum stupore vidi infantes tenellos in cucis per plures menses quartana laborasse, nec inde oppressos fuisse.

Inter intermittentes quartanae sunt pertinacissimae, hae autumno magnis viscerum obstructionibus stipatae vix sanantur, sed perseverant ad veris accessum usque.

Antequam de cura intermittentium agam, notandum iterum occurrit Sydenhami effatum: febrem instrumentum naturae esse, quo impura a puris separat et extra corpus excernit, hinc quandoque longius ferenda est, cum febre pertinacissimae obstructiones et dispositiones ad morbos chronicos optime tollantur, dum solventissima remedia ad extrema vasa febrili motu ducuntur. Multi Galeno teste ab epilepsia

lepsia liberati fuerunt; alii a lepra, varicibus, tumoribus lienis aliorumque viscerum per quartanam vindicabantur. Boërhaavius notat, homines longae-
vosi in flore aetatis quartana omnium intermitten-
tium maxime diurna laborasse.

Cura alia est in paroxysmo, alia extra paro-
xyssum.

In paroxysmo diluentia convenientia, ut mate-
ries febrilis per varias vias: nempe alvum, urinam,
sudorem, vomitum evacuari possit.

In frigore febrili tepida ad transpirationem pro-
movendam haurienda sunt, ut infusum florum sam-
buci, decoctum quinque radicum aperientium.

Cavendum ab aromaticis, validius stimulanti-
bus, cum inchoato frigore febrili maior adsit calor,
quam in eodem corpore sano. Van Swieten iuve-
nem vidit tertiana verna laborantem, qui lethali
pleuritide corripiebatur, dum quinque guttae olei
caryophyllorum cum saccharo diu tritae darentur
ante paroxysmum ingruentem, ut frigus febrile ca-
lido hoc remedio tolleretur.

In calore febrili diluentia acidiuscula propinan-
da, ut decoctum hordei cum oxymelie, limonata;
æstuante admodum aegro acida mineralia diluta et
grata et utilissima sunt.

Potulenta crebrius, sed parca quantitate inge-
tere oportet; ne aut vomitus, aut anxietas a disten-
to nimium ventriculo oriatur.

Debiliori aegro vinosa paroxysmo finito con-
cedi possunt.

Lintea et indusia post sudorem mutanda, ne
ab his humidis corpori applicatis horror iterum na-
scatur, aut excreta materia per vasa resorbentia
denuo in sanguinem feratur.

Vomitus spontaneus paroxysmi tempore aquae
tepidae haustu promoyendus.

Cu.

Cura extra paroxysmum differt ratione aetatis, temperamenti, causae, symptomatum, constitutionis epidemicae.

Febris causa cognita talia remedia danda, quae eam corrigunt et destruunt.

Amarities oris, nausea, etc. nisi contra indicanda sit, vomitorium requirunt tempore a pyrexiae exhibendum.

Illustr. van Swieten (*a*) de febribus intermittentibus monet, bilem putridam, quae in ventriculo et intestinis continetur, subito evacuandam esse, ne mora magis nociva fiat. Imo notat, quod saepius vomitorium maxime in autumnalibus repetendum sit.

Cum successu aliquot drachmae salium medium emetico praemittuntur; sic glutinosum inciditur et ad faciliorem evacuationem disponitur.

Profund emetica in intermittentibus non solum eiiciendo nociva in ventriculo contenta, sed etiam stimulando et turbando materiem febrilem. Concutuntur vomitu viscera abdominalia, inde his impacta faciliter solvuntur et excutiuntur.

Ad emesim procurandam arridet solutio trium aut quatuor granorum tartari emetici in libra aquae per vices sumenda, donec sufficiens vomitus sequatur.

Si vomitorium contra indicatur, vel signa absunt latitantis faburrae in ventriculo, appetitus tamen prostratus, abdomen tensum, vita lauta praegressa et alvis segnior obseruentur; purgantia substituere oportet.

Si maior calor, sitis intensior, urina flava obseruentur, tamarindi, tremor tartari, aqua laxativa indicantur. Ceterum sal amarum, thermarum carolinorum, mirabilis Glauberi, pulvis cornachini convenit.

G

Cla.

(*a*) Tom. II. pag. 54.

Clarissimus Trillerus (*a*) pessima mala a pulvere Cornachini exhibito recenset, quae malignae et nocivae indoli antimonii diaphoretici dudum iam praeparati adscribit.

Revocari huc possunt ea, quae de antimonio diaphoretico non abluto in capite de erysipelate monui. Praeterea certum fere est, ad vim purgantem scamoni augendam stibium diaphoreticum ablutum et cremorem tartari valde parum facere. Ratio horum pulverum scamonio admistorum in eo solum consistere videtur: ne scilicet partes scamoni sibi cohaerere indeque tormenta caufare valeant. Hinc alii tremoris tartari et stibii loco pulverem cornu cervi in eundem finem scamonio admiscent. Ceterum nil mali video in missione priori propter stibium, dum praeferit hic pulvis, omni momento commiscendus, nunquam in maiori paretur copia.

Nauseosis gratius et efficax est purgans, si octo, aut decem drachmae salis Segnetti in binis libris iuris carnium non saliti solvantur et per cyathos sumantur, donec aeger purgetur.

Autunnales febres magis purgantia petunt, quam vernales.

Cavendum a nimiis evacuationibus, praecipue in vernalibus; quia inde febres protrahuntur, hydropsque nascitur.

Vernales febres in iuvenibus et sanguineis non raro mutantur in inflammatorias; hinc pulu pleniore, duriore, respiratione difficultiori, maxime si abusus spirituosorum febrim praecessit, aut consuetae sanguinis evacuationes intermissae fuerunt, vena secunda est. Sed et in autumnalibus sanguinis detractio necessaria, ubi mox dicta symptomata spectantur.

Eva-

(a) Dispens. pharm. universal. pag. 529.

Evacuatis primis viis, si maior calor, sitis vehementior, urina plus colorata; remedia antiphlogistica, ut succus citri, acetum cum sale polychresto, nitro indicantur.

Non raro, praecipue in autumno, initium intermittentium similia symptomata habet ac febris putrida; in his acida mineralia salibus mediis iuncta profunt.

Levis quandoque hepatitidis species, post fervidiores aestates, febres autumnales comitatur; quod urina ex flavo rubra, flavescens oculorum color, sitis intensior, hypochondria tensa, maxime in regione dextra cum dolore fixo eiusdem lateris et alvus parcior docent; in hoc casu decocta solventia cum acidis et purgantibus antiphlogisticis imperanda. Hinc variae formulae ex taraxaco, radice graminis, cichorei, tamarindis, succo citri, aceto, crystallis tartari, sale mirabili Glauberi, etc. formari possunt (Nro. 46.). Pro potu decoctum hordei cum oxymelle, aut serum lactis convenit.

Clysmata ex emollientibus cum melle quoque inicienda.

Similis methodus et locum habet absentibus signis levioris inflammationis, ubi urina flava et subflavescens oculorum color cacochymiam biliosam et hepatis infarctum notant.

Sollicite enim inquirendum in intermittentibus maxime quartanis, an non adsint viscerum obstructions; cum his praesentibus remedia solventia tamdiu continuare oporteat, donec hypochondria mollia et melior faciei color succedant.

Succus ex radice graminis et taraxaco recenti addito sale polychresto, aut terra soliata tartari efficacissimus est. Nam salia media et obstructions solvunt et primas vias a glutine liberant, quo fere semper obducuntur.

Paucissimos vidi, quorum vent iculus a salibus mediis offendebatur. Imo inumeros solis hisce remediis a febre intermitente absque recidiva liberavi.

Solventia remedia, tempore apyrexiae sumpta, febrili motu magis in vasa obstructa agunt et impactum solvunt. Debilibus vero minus convenient, quia vires inde minuantur et sudores nocivi augentur.

In indurationibus viscerum abdominalium et inunctiones ex unguento althaeae suadendae, maxime, dum infarctum colon tumens circa lienis regionem, ubi inflectitur, eum scirrhosum mentitur.

Notabili tactui resistenti visceris duritiei utiliter emplastrum cicutae apponitur.

Cavendum in magnis obstructionibus et indurationibus viscerum a fortibus purgantibus, his enim corpus debilitatur, subtilissimis humoribus privatur et iam impactum fere irresolubile redditur.

Nonnunquam pituita tenax primas vias occupat: docet id pallidus corporis habitus, urina pallida, vita sedentaria praegressa, victus ex alimentis crudioribus, habitatio in loco depresso et humidiore; aegri similes farinosa non ferunt, ab aromatibus levantur, gravitatem, frigus circa ventriculum et oppletionem ex assumptis maiorem, quam in sanitate sentiunt. His extracta amaricantia cum gummi ferulaceis (Nro. 47.) apyrexiae tempore convenient.

Intermittentes, dictis remediis non cedentes, fugandae sunt; cum febre diu protracta corpus debilitetur, humores aciores reddantur et iidem morbi ac a nimis cito sublata, nempe icterus, cachexia, hydrops sequantur.

Nullum remedium febrem citius et certius fugat cortice peruviano.

Observavit iam olim Caesareus Archiater Lon-

go-

DE FEBR. INTERMITTENTIBUS. 101

gebardi, quod cortex gravidis, menstruantibus, haemorrhoidariis tuto exhiberi possit, nec urinam, sudores, aut fluxus salutiferos tollat (*a*).

Cortex in pulvere, mixtura (Nro. 48.), bolis (Nro. 49.) pro vario aegri lubitu praescribi potest.

Ad intermitentes fugandas longe efficaciorem corticem peruvianum reperi ac extractum vel decoctum. Mortonus experientia fretus affirmavit chinam chinam in substantia exhibitam certius vires suas exferere, quam si multa arte, aut igne torqueatur.

Si aegri non respuant, optime mixturae forma propinatur. A cortice enim vel in pulvere, vel in bolo non raro pondus vel oppressio in ventriculo percipitur. Forte quod notante Percival diu cortex in primis viis indissolubilis haereat.

Cortici peruviano salia media iungo, nisi alvus liquida sit; cum a substantia corticis non raro pondus ad regionem ventriculi et alvus adeo adstricta sequantur, ut aegri vix scybala excernere valeant. Eam ob rationem Celeber. Gaubius in pulvere antifebrili unciae corticis binas salis polychresti drachmas addidisse videtur.

Varia dosis corticis est. In quotidiana sex drachmae, in tertiana uncia, in quartana uncia una semis tempore apyrexiae exhibenda.

In febre, cuius paroxysmi adeo protracti, ut apyrexia brevissima et continuae futurae metus sit, ad finem paroxysmi, ubi maximus calor transiit, cortex sumendus.

Febre per dictam corticis peruviani quantitatem fugata aegro per binas apyrexias sequentes dimidia eiusdem remedii dosis exhibenda est ad recidivam prae-

(a) Michaeli Della Febre. Pag. 305.

cavendam; maxime tempore humido et frigido, in subiectis senilibus, constitutionibus epidemicis.

Monet illustr. van Swieten, ut aeger qui quartana laboravit, iam per octo dies a morbo liber, corticem denuo sumat et dein tertia vice, ubi febrem non habuit, cortice utatur, cum character intermittentum, quo diutius inhaeserit, eo difficilis deleatur (*a*). Et Sydenhamus et Mortonus iam curata tertiana chinam chinam continuandam voluerunt.

Solet in tertianis recidiva fieri aliquo secundae hebdomadis die, in quotidianis et quartanis autem tertia hebdomade (*b*). Unde liquet, ad reversiones tutissime et certissime praecavendas corticem secunda, aut tertia quavis hebdomade exhibendum esse. In febribus oblitinioribus quandoque secunda, ter-tia, quarta repetitio facienda.

Febris intermittens sive sponte sua, sive regimine calido ad continuitatem accedens, maiorem corticis peruviani copiam requirit. Sic anno 1770., ubi talis epidemia regnabat, omnes fere recidivam passi sunt, nisi largissima corticis peruviani quantitate uterentur.

Clariss. Archiater Petersen in febribus epidemicis corticem in substantia ad libram unam medium, in decocto ad libras duas semis exhibuit. Nullum enim incommodum oritur, si plus quam opus affumatur, peccatur vero, si iusto minus, cum eo reversionibus occasio relinquatur (*c*).

Pessima mala ex intempestivo laudati remedii usu fiunt.

Quandoque vernales intermitentes graffantur, venae sectione et antiphlogisticis, ut superius monui,
cu-

(*a*) Tom. II. pag. 539.

(*b*) Werlhoff.

(*c*) Torti, Werlhoff.

curandae. Si in his cortex exhibeatur, antequam crusta inflammatoria sit resoluta, in continuas mutantur, vel recidivae malis symptomatibus stipatae sequuntur, observante Pringle (*a*).

Noscuntur hae febres pulsu duriore, dolore capitis vehementiore, respiratione crebriore et difficultiore, sitiis est intensior, lingua minus sordida, facies et urina plus rubent, sanguis eductus non raro crusta tectus conspicitur.

Si inter corticis usum febre intermitte laborentes in albo oculorum flavescant, de anxietatibus et oppressionibus ad scrobiculum cordis conquerantur; solventibus pergendum, a cortice abstinendum, nisi summa aegri debilitas eum postulet; alias scirrhici viscerum, icterus, hydrops sequuntur.

Ubi vero in intervallis febris ictericus color evanescit, nulla anxietas, oppressio ad scrobiculum cordis, nullus abdominis tumor, aut durities persistat, a solo cortice auxilium expectandum, ut icterus vere spasticus aequa ac ipsa febris, cuius comes est, tollatur (*b*).

Sunt nonnullae febres magno calore, aut siti stipatae cum levibus deliriis, pulsu celerrimo, post tertium aut quartum paroxysmum in continuam abeuntes. Hae brevi cortice fugandae.

Subito quoque hic dandus est in febribus, ubi pulsus parvus, irregularis, somnolentia, vires admodum prostratae notantur, maxime si epidemice gravantur. Zimmerman (*c*) tertianam observavit in loco ad paludem sito grassantem, quae secundo paroxysmo magna oppressione pectoris et dolore capitis necabat.

(*a*) Observations on the diseases of the Army p. 145.

(*b*) Rahn. Adversar. medic. practic. Vol. I. pag. 182.

(*c*) Von der Erfahrung. I. T. S. 294.

Convenit brevi cortex in quartanis haemorrhagia stipatis, ubi pulsus est debilis, nullus faciei rubor, etc. Imo quandoque lenia martialia admiscenda sunt, ut aucto robore haemorrhagiae sistantur, quibus facile hydrops succedit.

Anno 1770. tertianae occurcebant cum amaritie oris, siti intensa, calore summo, levibusque in paroxysmo deliriis. Hae febres, purgatis etiam si primis viis, cortice dato, oppressiones ad scrofulaculum cordis, anxietates, languores causabant; neglecto cortice brevi in continuas pessimas abierunt.

Optime profuit sequens methodus. Bile corrumpita per emeticum aut purgans e corpore eliminata, mixturam ex aceto, succo citri cum salibus mediis exhibui; post tertium paroxysmum binas aut tres extracti corticis peruviani drachmas priori mixturae addidi. Pauca hac corticis peruviani quantitate febris moderabatur, neque in continuam abibat et a salibus mediis alvus foetida crebrior educebatur. Lingua non sordida, urina minus colorata, nausea fugata, saluum quantitas minuebatur et febris primum extracto, dein cortice in substantia exhibito penitus fugabatur.

In initio enim intermittentium magno calore stipatarum et de genio bilioso participantium extractum corticis magis convenit ob rationes in capite de synocho non putrida notatas.

Ante aliquot annos frequentes erant febres magna virium prostratione, pulsu celeri, parvo, horrore cum subsequente leni calore, lingua alba, appetitu exiguo, siti maiore, sed non exorbitante, resentientia in hypochondrio dextro, sopore, tristitia stipatae, accessus incerto tempore, quandoque bis die redibant; urinas in paroxysmo mingebant aegri aquosas, copiosissimas; post febrilem insultum lodi um erat paucum, brunum cum nubecula suspenfa, alyus

DE FEBR. INTERMITTENTIBUS. 103

alvus a medicamentis salinis pessime olens facile movebatur. Dato decocto ex radice graminis, taraxaco cum liquore terrae foliatae tartari morbus non mutabatur, sed brevi ad corticem cum remediis nervinis, ut spiritu Mindereri, melissa, quandoque camphora confugiendum erat; sub horum usu paroxysmi fiebant regulares, mitiores; cortice neglecto morbus nascebatur periculo plenissimus. Diurnae hae febres mitiores redditae solo cortice non superabantur, sed amaricantibus sat facile tollebantur.

Nonnunquam variam larvam febres intermitentes induant et pleuritidem, choleram, apoplexiam mentiuntur. In simili casu, etiamsi febris non videatur adesse, neque urinae lateritiae sint, symptomata tamen gravia, quae curata videbantur, iterum redeant: cortice peruviano subito debellanda sunt.

Liberior alvi fluxus inter corticis usum relinquendus est, si nullum inde incommodum nascatur et aegri levamen sentiant, cum hae excretiones ad curationem citam et constantem multum faciant.

Si vero vires prosternantur, febris pertinaciter pergit, tunc uncia semis, aut una theriacae Andromachi utiliter, ut scutum stomachicum apponitur. Effectu inde non succedente, opio cortici peruviano iuncto diarrhoea minuenda est.

Conveniunt et opiate cum cortice in febre a terrore et animi pathematibus causata, maxime in hypochondriacis et hysterics.

In febribus pertinacibus, ubi ventriculus debilis est, amara ut gentiana, trifolium fibrinum, centaurium minus, etc. cortici feliciter iunguntur (a).

Nonnulli contraievam (b), serpentariam ante paroxysmum suadent; similia quandoque utilia sunt
in

(a) Murray Apparatus Medicinalium. Tom. II. pag. 15.

(b) Ratti Materia medica. Tom. I. pag. 156.

in locis paludosis, ubi aegri pallidi, inflati sunt habitus, pulsos extra paroxysmum lentus et parvus est; cavendum autem in epidemiis siti, calore, urina magis colorata stipatis, alias autumnales, facile in continuas mutantur.

Infantes et nonnulli aegri corticem respuunt, his elota prius per clysmata emolliens alvo in decocto (Nro. 50.) per enemata iniiciendus, cum a substantia abdomen durum, inflatum, scybala durissima cum pertinaci alvi obstructione causentur.

Ubi ob vehementiam febris et inefficaciam decocti ad substantiam corticis recurrendum, alvum diu clausam clysmate emolliente quandoque eluere et dein iterum enematibus ex cortice continuare oportet.

In suburbio sancti Leopoldi femina erat systematis nervosi admodum debilis, quae accessu febrili putridarum simili corripiebatur cum nausea, vomitu pertinacissimo materiae porraceae, alvo adstricta, pulsu celerrimo et debilissimo. Medicamenta ex acidis antiflogisticis et clysmata nullam ferebant opem. Altera die febris remittebat; sed vomitus sincerus pergebat. Tentavi frustra remedia ex mentha, melissa, vino: incassum externe emplastrum ex labdano, opio et camphora apponebatur.

Ob vomitum cotinuum, debilitatem summam, laudanum liquidum Sydenhami interne propinavi; verum et medicamenta et iura carnium subito ac in ventriculum pervenerunt materiae porraceae mixta vomuit. Tertia die increscabant symptomata, hemiplegia lateris sinistri accedebat, ita ut et oculus in ea parte iam mortuorum similis fuisset: vesicantia furis et nuchae apponebantur, abdomen et regio ventriculi infusis herbarum aromaticarum, ut ruta, rosmarii, incassum sovebantur: sequenti die symptomata parum mitiora, pulsus debilissimus, sed minus celer,

ma-

manebat tamen lingua balbutiens et immobilitas lateris sinistri, urina plus tincta erat cum exiguo sedimento. Suspicabar febrim larvatam, et corticem peruvianum in auxilium vocandum Medicis Clarissimis in consilium vocatis proposui. Unus ex his nihil nisi malum hystericum accusans moschum proficuum credidit; sed et hunc subito cum multa materia porracea eiecit. Ob summum in mora periculum ad corticem peruvianum confugi, Cum nil per os assumere valeret, decoctum corticis cum binis drachmis pulveris anno omni trihorio inici curavi. Non rediit quidem maiori vehementia paroxysmus: verum per tres dies symptomata in eodem statu permanserunt. Miratus tunc fueram a tanta corticis quantitate effectum voto non respondisse. Bona fortuna vesicam videram, qua ab obstetricie enemata applicabantur: suspicatus igitur inefficaciam remedii ortam fuisse ab instrumento, dum non satis vesicae ope cortex peruvianus in intestina ingerebatur, hinc non sufficiens quantitas per vasa bibula, in intestino recto aliunde pauciora, absorbebatur. Syringam itaque vesicae substituendam iussi, inde brevi omnia symptomata evanescabant, et cortice peruviano dein per os assumpto integre a morbo hoc periculosissimo liberabatur.

Manens per tempus debilitas lateris sinistri et lingua balbutiens pilulis ex gummi ferulaceis, extracto masticis, castoreo et balneo baadensis tollebatur.

Clysmatibus quoque ex cortice peruviano patrem praedictae feminae sexagenario maiorem febre apoplectica larvata laborantem, omnia remedia repuentem curavi.

Si pusio mammis inhaerens febre intermitte corripiatur, nutrix corticem ingerat.

Laudatur cortex cataplasmatis instar aqua mixta intra linteum tenue abdomini applicatus, sed inefficacem hanc methodum reperi; minus adhuc pro-

derit, ut censente Pye corticis pulvis intra linteum duplex consutus nudae infantum cuti apponatur.

Nonnunquam febres grassantur maxime in locis paludosis, cortici pertinacissime resistentes et fugatae brevi iterum revertens: tunc loci mutatio aegris suadenda est.

Nil peius, quam variis remediis decantatis febrim tollere. Rustici spiritum vini cum pipere contuso sumunt; sed inde febres continuae et lethales ventriculi inflammations causantur.

Ex usu aluminis et vitrioli consumptiones sequatas: ex arsenico sumpto vomitus, febres lentas et mortem viderunt praestantissimi Medici. Ego ipse febrem quotidianam, quinque annis durantem, corpus depascentem, omnia remedia edulentem observavi a tinciura arsenici, quae Lipsiae ab agyrta propinabatur. Hinc bene monuit Celeb. Werlhoff, quod arsenicum nunquam dari possit a viro eruditio et hominum amatore.

Multa adhuc alia, ut specifica in intermittentibus ab ignaris laudantur. Verum aut calefacentia sunt, quae in continuam et inflammatoriam mutantur: aut adstringentia, quae obstructiones viscerum et hydropses causant.

Nonnulli motu vehementissimo ante paroxysmum febrem fugare cupiunt; sed et inde intermitentes in continuas mutantur.

Non pauci severa abstinentia febrem tollere volunt pessimo saepe cum successu, cum vires nimium frangantur, corpus exhaustiatur et humores aciores reddantur. In quartanis malos effectus inde vidit III. van Swieten: imo concludit in quartanae initio ne quidem tutam esse tenuem et exactam nimis diaetam.

Laudantur a variis varia remedia specifica ad febres tollendas, ut cortex salicis Arnica, lignum Quaf-

Quassiae; optime vero monet Cel. Spielmann (*a*), quod Quassiae lignum respectu virtutis febrifugae a cortice peruviano vincatur.

Corticem salicis iterum iterumque, sed irrito conatu exhibuit Bergius (*b*).

Arnicam, quam Berolinenses (*c*) contra fomites febris saepius recidivantis commendant, in decocto et in pulvere frustra exhibuit quartana laborantibus idem Clar. Vir. imo decoctum maiorem in modum vexavit aegros. Ipsi, qui predicta remedia laudant, plus fiduciae in coricem peruvianum habere videntur, dum eundem predictis pharmacis addunt, ubi ab iis febris non tollitur.

Neque ab uno, aut altero casu febris per quoddam remedium curatae argumentum formari potest, specificam huic remedio virtutem inesse.

Varia enim ante inventum corticem solventia et amaricantia cum successu dabantur; imo nostris temporibus Rutti (*d*) quandoque intermitentes cortici resistentes infuso centaurii minoris, pulvere chammeli nobilis, aut succo eiusdem ad duo art tria cochlearia cum guttulis aliquot spiritus vitrioli curavit.

Quandoque intermitentes mihi occurrabant, quae per corticem peruvianum brevi mitissimae evadabant, mansit tamen levior aliquis recursus post magnam quantitatem predicti remedii ingestam; in similibus nullo symptomate graviore urgente ab omni medicamento abstinui et sponte dein a febre liberabantur. Vidi inde confirmatum Cel. Torti (*e*) observatum, quod tam levis saepe saepius sit accessus.

(*a*) Institutiones Mac. Med pag. 225.

(*b*) Mat Medic Tom. I pag. 788.

(*c*) Decade prima pag 61.

(*d*) Materia Med pag 120. 217.

(*e*) Therap. special pag. 273.

cessionum recursus, ut nonnuuquam expediat febribus fermenti reliquias ipsi effervescentiae febrili duobus, aut tribus accessibus dissipandas relinquere.

Diaeta alia est ratione febris, subiecti, longitudinis morbi. Gravidae, exhausti magis nutriendi sunt, uti et infantes et aetate admodum proiecti.

Quotidianae et tertianae exquisitiorem petunt diaetam: quo accessus longiores et frequentiores, eo pauciora alimenta concedenda.

Febricitantibus et ex febre reconvalscientibus pinguia, fumo indurata, leguminosa et omnia, quae crudiorem chylum generant, interdicenda sunt, cum haec et in sano febrem producere valeant.

Bene monet Pringle, ut febre intermitte laborantes a fructibus horaeis abstineant.

Cibus non dandus tempore, quo paroxysmus expectatur.

Senibus, pituitosis, assuetis, si nullus febris continuae metus, extra paroxysmum moderatus vi ni usus concedendus.

Somnus sit longior ad corpus refocillandum.

Exercitia moderata prosunt tempore apyrexiae ad assimilationem ingestorum et excretiones per alvum, urinam, transpirationem promovendas.

Cavendum a transpiratione suppressa; hinc corpus bene tegendum, aëc nocturnus evitandus et loca paludosa fugienda.

Nonnunquam intermittentibus oedema accedit, quod satis facile levioribus frictionibus et usu roobi sambuci, iuniperi, infusorum amaricantium, et leviter stimulantium cedit (Nro. 51.).

Noscitur autem hoc oedema ex debilitate et non ex obstructionibus natum esse, ex viribus fractis, paroxysmis vehementibus, albo oculorum non flavo, alvo libera et victu malo praegresso.

Per

Per febres intermittentes diuturniores aegri debilitantur, ut et febre fugata multum langueant. His amaricantia, leviter roborantia, victus eupeptus, vina generosiora commendanda.

Roborandi causa panem biscoctum vino austero madidum deglutiendum suadet Illustr. van Swieten: ne tam cito virtus vini delabatur.

Aër ruralis et equitatio plurimum quoque corpus firmant.

Debilibus recidiva intermittentium laborantibus calybs cum cortice iungendus, quod remedii genus apprime etiam sifit sudores illos glutinosos, quibus tales aegri diffluant.

Ubi usu nominatorum robur debitum aegris non reddit, ad vinum ex cortice peruviano, limatura martis paratum confugiendum. Ferrum enim, monente iterum Illustr. van Swieten, lenibus acidis solutum non tantum vi austera adstringente agit, sed sulphuris sui metallici, naturae humanae adeo amici, miro stimulo vires vitae excitat.

Quibus vinosa displicant, pilulae ex limatura martis, extracto corticis peruviani resinoso, mastiche, etc. praescribi possunt.

Quandoque sola ventriculi debilitas remanet. Ad tonum huius restaurandum elixit antifebrile Disp. Vien., essentia ex amaricantibus parata, ut absynthii ad drachmam dimidiā pro dosi sumpta, convenit. Si vero spirituosa non ferant, elixit stomachicum Disp. Vien., aut electuarium ex theriaca diatefferon, zinzibere condito prodest (Nro. 52.).

Ubi præ inertia nullum fere ex chylopoeticis visceribus suo fungebatur officio, frictiones ieuno homine per totum abdomen factae pannis asperis laneis mirabiles dederunt effectus; imprimis si penetrati fuerint fumo accensi succini, mastich s (Nro. 53.).

Novi

Novi ante plures annos officialem, qui sumptis
frostra aptissimis remediis suasu illi. van Swieten
frictionibus dictis curabatur.

Incipiendum semper a lenioribus.

Sudores post intermitentes remanentes tollen-
di sunt methodo in capite de synocho non putri
memorata.

Pessimo olim more superata per corticem febre
purgantia exhibuere, alii iterum ob metum recidivae
omnia alium moventia damnabant, si bene valeant
a febre convalescentes, piaculum foret, corpus
purgantibus turbare; saepe vero post fugatam febrem
copia humorum inertium colligitur in primis viis;
renatus porro a febre nimius saepe appetitus facile
quid indigesti colligit, quod ni mature et blande
expurgaretur, facile somitem recidivae praeberet;
sic in quadam febre intermitente epidemica aegris
per duas, tresve septimanas ab omni febre liberis,
lene purgans summo cum fructu dedit et aliquot
vicibus repetit van Swieten et ingentem inde copiam
biliosae saburrae expelli vidi; neglectis purgantibus
anorexia icterus, linguae sordities, urina rubicunda
redibant (a).

Sunt et aliae febres ut rheumaticae, haemor-
rhoidales, etc. Sed de his in capitibus morbotum,
ad quos spectant, agam.

Pauca tantum de febre puerorum differam.
De huius natura dissentunt Authores, nonnulli eam
ad inflammatorias, alii ad putridas, alii denique ad
malignas referunt.

Rariores sunt pueroris febres inflammatoriae,
nisi a rudi obstetricantis manu, a frigidore admisso
aere, aut spirituoso potu et inde suppressis lochiis
orian.

(a) Rih Advers medico practic. Vol. I. pag. 139.

orientur, nascuntur nonnunquam, si gravidis, plethoricas, vegetis vinum generosum ad sustentandas vires ante partum praebeatur.

Crebrius animadvertisuntur synochi simplices, quae aut neglectae, aut non debite tractatae in putridas abeunt, praecipue si immundities lecti et linteaminum concurrat, vel amicae puerperas copiosius invisent.

Denique, quibus in graviditate abs necessitate largius vena secta, aut post partum sanguis eductus fuit, quae calido regimine vexantur, aut quibus ob levem febrilem motum mixtura hoffmanniana, vel camphora propinatur, crebrius febribus exanthematicis laborant.

Praecaventur febres puerperarum diaeta tenui, potibus diluentibus, leviter emollientibus (nisi alia vetet ratio), alvo per clysmata aperta servata, munditie lecti, aere cum prudentia renovato, evitatis animi pathematis, nimia loquacitae et medicamentorum usu, dum rite valent.

Doloribus levioribus post partum sanguinis grumi ex utero educuntur; acerbiores cauta manu paregoricis mitigandi sunt; ubi vero puerperae praecipue teneriores a mediocri opii dosi alto somno merguntur, de torpore, insolita graviditate capitis conqueruntur, si paululum delirent ab opio desistendum est (*a*).

Dum febris lactea exorbitat, sitis urget, calor maior vexat, alvus filet, [praeter clysmata mixtrum antiphlogisticam cum salibus mediis exhibere oportet, nec unquam ab his incommodum vidi.

Ubi febris puerperarum nata est, haec ut aliae inflammatoriae, putridae, aut mixtae pro diversitate

H

genii.

(a) Tralles Usus opii salubris et noxious. Tom. IV. pag. 120.

genii, symptomatum tractandae sunt; id solum modendum restat, vesicantia cautius apponenda esse ob vim irritantem et urinarias vias penetrantem, et corticem peruvianum, ubi proclivitas in putredinem animadvertisit, purgato corpore fine mora indicari; neque meticulosum nimis Medicum in purgantibus exhibendis esse oportet, sic Fel. Platerus in gravi puerperae febre cum convulsionibus leniter alvum cum levamine subduxit; vitanda vero sunt cathartica fortiora.

Hac methodo ea felicitate usus sum, ut ex innumeris puerperis, quarum curam per 28 annos habui, paucae febre puerarum decubuerint et ex his unica ante biennium femina omnino intemperans e vivis eriperetur. In domo quoque regia obstetricia hauniensi inter trecentas et triginta septem puerperas duae febri puerperali correptae fuerunt, quarum una succubuit, altera evasit, quod regimini frigido, debitae munditiae, peritae domus obstetrici et simplici methodo adscribunt (*a*).

FOR

(*a*) Societatis Medicæ Hauniensis Collectanea. Vol. I. pag. 373.

F O R M U L A E.

Nro. 1.

R. Tamar. indor. unc. ij.

T coq. in lib. i β aq. com. p. $\frac{1}{4}$.
colat. add.

Succ. citri unc. β .

Mann. unc. ij.

clarif. sum. omni $\frac{1}{2}$ h. unc. iiij.

donec purg.

Nro. 2.

R. Tinct. purg. Disp. Vien.

seu seri lact. tamarind. lib. j.

Sal Seignet. dr. vj. unc. j.

Syrup. rosar. solut. unc. j β .

m. sum. ut prius.

Nro. 3.

R. Pulp. Tamar. unc. iiij.

Crystal. tart. dr. ij.

Syrup. ros. solut. dr. vj.

sumat saepius cochl. donec purgetur.

Nro. 4.

R. Aq. font. unc. viij.

Nitr. dr. ij.

Mel. mercur. unc. ij.

m. pro clysm.

Nro. 5.

R. Decoct. hord. unc. viij.

Suc. citr. unc. j.

Syr. rub. id. unc. ij.

Sal. polyc. dr. iiij.

Nitr. dr. j.

m. sum. omni bih. 2. coch.

H 2

R. Aq.

R. Aq. rub. id. lib. j.
 Suc. citr. unc. j.
 Sal. mirab. Glaub. dr. vj.
 Syrup. rub. id. unc. ij. β
 m. sum. omni bih. $\frac{1}{2}$. vasc.

Nro. 6.

R. Decoct. hord. lib. jv.
 Oxymell. simpl. unc. iij.
 Acet. unc. j.
 Nitr. dr. j.
 m. sum. pro libitu.

Nro. 7.

R. Sem. melon.
 — amygd. dulc. $\frac{1}{2}$ unc. j.
 f. $\frac{1}{2}$ aq. l. a. emul. lib. j β . add.
 Nitr. pur. dr. β .
 Sacchar. q. f. ad gratiam.

Nro. 8.

R. Aq. fl. samb. unc. viij.
 Roob samb. unc. ij.
 Acet. unc. j.
 Sal. mir. Glaub. unc. β
 m. sum. omni bih. unc. j.

Nro. 9.

R. Rad. gram. unc. iij.
 coq. p. $\frac{1}{4}$ h. in s. aq. comm.
 decoct. ferv. iufund. p. $\frac{1}{8}$ h.
 Flor. samb. unc. j.
 colat. lib. j β . add.
 Sal. polych. dr. ij.
 Suc. citr. unc. j.
 Syr. 5. rad. unc. ij.

Nro. 10.

R. Acetos. cum toto unc. iij.
 coq. p. $\frac{1}{4}$ h. in s. q. aq. col. lib. ij β . add.
 Syr.

Syr. acetos. unc. ij.
m. sum. pro libitu.

Nro. 11.

R. Ceras. matur. subacid. recent. lib. β .
inf. per $\frac{1}{2}$ h. in aq. fery.
colat. lib. ij. add.

Syr. ceras. subacid. unc. ij.

m.

Nro. 12.

R. Ribes matur. lib. β .
inf. aq. conquas. colat. lib. iij. add.

Syr. ribes unc. ij.

Nro. 13.

R. Ferm. pan. lib. β .
Pulv. sem. sinap. unc. j.
Acet. q. s.

Nro. 14.

R. Farin. fecal. unc. jv.
Pulv. sem. sinap. unc. iij.
Acet. q. s.

Nro. 15.

R. Aq. comm. lib. β .
Suc. citri unc. j.
Extract. cort. peruv. unc. β .
Sal. polychr. dr. $j\beta$.
Syr. acid. citr. unc. ij.
m. sum. omni bih. 2. cochl.

Nro. 16.

R. Cort. peruv. rud. tus. unc. $j\beta$.
coq. in aq. com. lib. ij. ad rem.
unc. xvj. colat. add.

Syr. berb. unc. ij.
Tart. vitriol. dr. $j\beta$.

Nro. 17.

R. Musch. gr. jv.

Sacch. alb. scrup. ij.
m. f. pulv.

Nro. 18.

R. Camph. gr. xv.

Pulv. gummi. arab. dr. j.
mistis, et in mortar. vitreo diu tritis add.
Aq. melis. unc. jv.
Syr. kerm. unc. β.
m. sum. omni bih. aut trih. cochl.

Nro. 19.

R. Rad. serpentar. virg. unc. j.

Coccinell. gr. xx.
fund. desuper aq. ferv. lib. jβ.
stent infus. per diem in loco
moder. calido. col. add.

Elaeosacch. cinnam. unc. β.

Nro. 20.

R. Spir. corn. cerv.

Essent. castor. a gutt. xx.
Aq. cort. aurant. unc. jβ.
Syr. cort aurant. unc. β.
m. sum. omni bih. aut trih. $\frac{1}{2}$ cochl.

Nro. 21.

R. Vitriol. alb. dr. β.

solv. in unc. jβ. aq. comm.

Nro. 22.

R. Rad. altheae unc. ij.

Fol. — — unc. j.
coq. per $\frac{1}{4}$ h. in aq. font.
colat. lib. ij. add.

Oxym. simpl. unc. ij.

Nro. 23.

R. Kerm. miner. gr. j.

Sacch. alb. scrup. j.
f. pulv.

Nro.

Nro. 24.

- R. Bol. arm. unc. j.
 Gumm. arab. dr. j.
 Aq. fl. rhoead. lib. j.
 Diacod. unc. j.

Nro. 25.

- R. Rad. salep. dr. iij.
 coq. per $\frac{1}{4}$ h. in aq. col. lib. jg. add.
 Diacod. unc. j.

Nro. 26.

- R. Rad. satyr. in pulv. red. unc. β .
 solv. in unc. x. aq. calid.
 add.

Diac. onc. j.

Nro. 27.

- R. Rad. satyr. exsic. scrup. j.
 Elaeofacch. cinnam. gr. x.
 f. pulv.

Nro. 28.

- R. Rad. alth. unc. β .
 Herb. malv. manip. j.
 coq. c. lib. j. aq. ad reman. unc. jx.
 add.
 Olei amygd.
 Mel. mercurial. — unc. jg.
 m. pro clysm.

Nro. 29.

- R. Cott. peruv. rud. tus.
 Lichenis island. a unc. j.
 coq. per $\frac{1}{2}$ h. in aq. font.
 col. lib. j β . add.
 Diacod. unc. j β .

Nro. 30.

- R. Herb. salv. m. j β .
 inf. unc. x. aq. ferv.

teg.

teg. vas, donec infus. refrig.

colat. add.

Syr. kerm. unc. β.

Nro. 31.

R. Rad. alth. unc. β.

Herb. — m. j.

coq. c. lib. j. aq. ad rem. unc. jx.

add.

Olei amygd. unc. jβ.

Electuar. lenit. unc. j.

m. pro clysmate.

Nro. 32.

R. Aq. comm. lib. jv.

Sacch. alb. unc. ij.

Elaeosacch. citr. unc. β.

Spir. vitriol. q. s. ad gratiam.

m.

Nro. 33.

R. Aq. comm. lib. jv.

Spir. vitriol. q. s. ad fortiorem acid.

Nro. 34.

R. Curt. peruv. gros. modo tusi unc. j.

coq. per $\frac{3}{4}$ h. in aq. sub fin.

coct. add.

Alliatiae.

Scord. — m. j.

colat. lib. jβ. ad

Vini lib. β.

Aq. theriac. unc. jv.

m. linctea liq. hoc calid. madida parti gangraenae applicentur.

Nro. 35.

Ad parandum serum lactis difficulter quantitas spiritus vitrioli requisita determinatur tam ob differentiam lactis, quam ipsius acidi, cum serum

rum non raro saporem amariuscum aut nau-
seosum ab acidis mineralibus aquirat.

Nro. 36.

R. Cort. peruv. rud. tus. unc. j.

coq. in lib. jv. aq. ad rem. unc. x. sub
fin. coct. add.

Flor. chamom. purg. iij.

col. exhib. pro clysm.

Nro. 37.

R. Cort. peruv. rud. tus. unc. jβ.

Lim. mart. unc. β.

Cinnam. dr. ij.

Sacch. unc. β.

vitro angusti colli immissis adfunde vini gene-
rosi lib. jβ. colat. exhib.

sum. bis aut ter de die unc. ij.

Nro. 38.

R. Cort. peruv. in tenuis. pulv. red. unc. g.

Extract. mart. pom. dr. ij.

Syr. cinnam. q. s. ut f. el. valde moll.

sum. quater quinquies de die cochl.

Nro. 39.

R. Herb. absinth.

— cent. min. — dr. vj.

inf. aq. ferv. lib. ij. Stent infus. donec re;
fixer. col. add.

Syr. card. bened. unc. jβ.

Nro. 40.

R. Rad. ipec. dr. j.

inf. per noct. in aq. unc. j.

col. mane factae add.

Elaeosacch. cinnam. dr. j.

Nro. 41.

R. Rad. gram. unc. iij.

— alth. unc. jβ.

coq.

coq. per $\frac{1}{4}$ h. in aq. colat. unc. xx. add.
 Ter. fol. tart. dr. ij.
 Oxym. simpl. unc. ij.
 sum. omni bih. aut trih. $\frac{1}{2}$ vascul. theat.
 Nro. 42.

R. Gumm. arab. unc. β .
 aq. fl. rhaead. lib. j.
 Syr. alth. unc. j.
 sum. omni bih. 2. cochl.

Nro. 43.

R. Fl. malv. in pulv. gros. redact. lib. β .
 coq. c. s. q. lactis in pultem sub fin. add.
 Flor. samb. rud. tusor. unc. $j\beta$.
 ut f. l. a. catapl.

Nro. 44.

R. Bacc. iunip. tus. unc. ij.
 inf. in aq. stil. iunip. lib. ij.
 dig. vas. claus. in loco moder. calido
 per 3. h. add.

Roob iunip. unc. ij.

col. exhib.

Nro. 45.

R. Tinct. aquos. rhei unc. jv.
 Ther. fol. tart. dr. iiij.
 Oxym. scill.
 Syr. cinn. $\frac{1}{a}$ unc. $j\beta$.
 m. sum. 2. cochl. omni 3^a aut 4^a h.

Nro. 46.

R. Rad. cichor.

Herb. tarax.

Tamar. $\frac{1}{a}$ unc. ij.
 coq. in aq. per $\frac{1}{2}$ h. col. lib. ij. add.
 Ter. fol. tart. ij.
 Syr. s. rad. unc. iiij.
 Succi citr. unc. j.

Spir.

Spir. nitr. dulc. gutt. xxx.

m.

R. Tarax. recent. c. toto part. iij.

Acetos. part. j.

exprim. inde succ. unc. iij. add.

Terr. fol. tart. dr. j.

Syr. de cinnam. dr. vj.

m. sum. pro dosi.

Nro. 47.

R. Gumm. ammoniac.

— galb.

Extract. cent. min. — dr. ij.

— rhei

Sal polychr. — dr. j.

f. l. a. pil. gr. iij.

sum. ter. de die. v.

Nro. 48.

R. Cort. peruv. alcohol. dr. vij.

Sal. polychr. dr. ij.

Syr. de cinn. unc. j.

Aq. calamint. unc. viij.

m.

Nro. 49.

R. Pulv. cort. peruv. minutis. unc. j.

f. cum s. q. syr. de cinnam.

Bol. N.^o xij.

Nro. 50.

R. Cort. peruv. rud. tus. unc. j.

coq. in lib. jβ. aq. ad rem. unc. jx.

d. pro clysm.

Nro. 51.

R. Roob. iunip.

— samb. — unc. ij.

Oxym. scil. unc. j.

Pulv. cent. min. unc. β.

Sal

Sal absint. dr. ij.

Syr. menth. q. s. ut f. el. vald.
molle.

sum. ter de die cochl.

Nro. 52.

R. Zingib. cond.

Theriac. diates. $\frac{1}{2}$ unc. j.

Syr. de cinnam. dr. vij.

sum. omni 4^a h. dr. j.

Nro. 53.

R. Styrac. calamit.

Benzoes

Succin. $\frac{1}{2}$ unc. β .

in frustula minora leniter contrita exhibe pro
suffimigio.

F I N I S.